

MODIMO A SA KWEŠIŠWE

 Morena a le šegofatše. Nthapedišeng, bošegong bjo. Re bile
feela le pula ye nnyane, go lekanelo go fola, ka go yona re a
leboga; gomme ke a tshepa gore re tla ba le ye nngwe ya dipula
tša semoya ka gare go re thuša ntle gannyane nthatana.

² Ke a dumela, Ngwanešu Neville, ge re ka retolla yeo go
go dikologa. Go reng ka seo? Nna ke bolela, ke hwetša wo
monnyane...ke bea moyo wola godimo ga ka gomme ka gona
ke...hlogo ye ya lefatla ya ka e dumelela yeo go tla fase le go
emiša mogolo wa ka.

³ Bjale, ke file ntle tše dingwe...bakeng sa dipotšišo tše rilego
bošegong bjo, le go araba feela mohuta wa...Lebaka re dira se
ke mokgwa wa go hwetša se se lego dipelong tša batho.

⁴ Ke nagana seo se loketše modiša kudu go—go fa ntle se,
gomme ka gona o hwetša feela e ka ba se batho ba naganago
ka sona ge ba ka ngwala dipotšišo tša bona, ba na le se sengwe.
Gomme ke a nagana yo mongwe le yo mongwe wa rena o
tlamegile go raka dikgopoloo tša rena go badiša ba rena le—le
baetapele ba rena ba semoya, le go ya pele, le e ka ba eng re
e bonago, seo se bjalo gore re kgone go dira se sengwe le se
sengwe go kitima ka thelelo le bokaone, le bakeng sa Mmušo wa
Modimo.

⁵ Gomme ka gona ke...godimo go fihla e ka ba seripa sa iri
sa go feta ke bile feela le e ka ba tše pedi goba tše tharo tše o
tla...Billy o di topile ka morago ga tirelo mosong wo gomme o
di tlišitše godimo go nna. Gomme ka gona ke ile ka gare le go
ithutha ka Lengwalo, ke naganne ke tla bolela nako yeo gannyane
nthatana bošegong bjo, go beng ke e boletše, le go beng godimo
fa. Gomme ka gona o nteleditše metsotso e se mekae ya go feta,
o rile, "E no e swara, ke ne lehupa bjale."

⁶ Kafao ke tla leka go tsena thwi ka go tše le go di araba
bokaonekaone bja tsebo ya ka. Gomme ka gona ge nka fetša
ka nako, ke na le sehlogo se ke ratago go—go bolela ka
sona gobane feela mohlomongwe metsotso ye masomepedi goba
masometharo, feela sehlogo se sekopana.

⁷ Gomme ka gona, elelwang, ge Morena a rata, Lamorena
le le latelago mosong ke nyaka go dira bokaonekaone bja ka,
ka mogau wa Modimo, go hlaloša *Dibeke Tše Masomešupa Tše Daniele*. Bjalo ka ge ke boletše mosong wo, ke Lengwalo le legolo.
Gomme ga se bontši kudu go bolela ka yona, eupša go e bea moo
e lego ya gona, go e dira e swanele le Beibele ka moka.

⁸ Gomme re thomile go tloga go Kutollo 1, re ile godimo ka go
tema ya 6. Gomme, ka nnete, re tla ka gare bjale go Mahuto a

šupago a mafelelo. Gomme Mahuto ao a tla kitima go tloga go ya 6, karolo ya mafelelo ya tema ya 6, go fihla go tema ya 19, go akaretša. Kafao go tla tsea nako ye telele. Bjale, nka kgona go tsea, ka re, mašego a šupago, gomme ka kitimiša Mahuto a Šupago, ke a bula. Eupša ge o e dira ka tsela yeo, gona batho ba tla foša karolo ye kgolo morago *mo* ye e tlatšago ka go se. Gomme ge ka kgonthe ba se ba rutwa, go ka no se be gabotse. Eupša tše tharo tša mathomo goba tše nne tša tšona e no ba ditiragalo tše re ka kgonago go di tsea gabotse, feela go tla thwi mothalong; eupša sa go latela sa yona, gona o swanetše go ya morago ka go Daniele gape, o tle morago godimo ka go Genesi, o ye morago godimo ka go Kutollo, o tle morago tlase ka go Diebangedi, gomme o no e logaganya ka fale, gobane ke mohlala wa Israele, Modimo a mekamekana le Israele. Ka gore ge Kereke e eya godimo, ke mafelelo a Kereke go fihla A etla le Morena wa Gagwe bjalo ka Monyalwa le Monyadi ka go tema ya 19; lebakeng la nako ye e mekamekana le Israele. Gomme go hwetša *Dibeke Tše Masomešupa Tša Daniele* ka gare bjale, e beile seswantšho bakeng sa go tla ga go bulega go, Lehuto la Pele.

⁹ Ka gona ke naganne, Morena ge a rata, ke . . . Lamorena la go latela ke tla bolela ka seo. Ge ke sa fetše Lamorena mosong, gona ke tla e leka Lamorena bošego gape. Gomme seo se tla bula tsela nako yeo, ge Morena a ka re hlahla, re ka se swanele go ema le karolo yeo, re tla ya thwi go otlologa ka go *Mahuto a Šupago* le go no e rwala ge feela re bone Morena a hlahla.

¹⁰ Bjale, bošegong bjo re na le dipotšišo tše dingwe, gomme tšohle di hlaka, dipotšišo tša go kwagala. Go bile le e tee mo ye ke ratago go bolela ka yona pele, nakwana feela. E bile yo mongwe a botšišitšego . . . Ga se potšišo, e no ba yo mongwe o mpotšišitše.

Dikgonyo tša ka di kae? Hle mpotše.

¹¹ Ba—ba di lobile bona morago ga sekgalela se. Bjale, ke a le botša, dibeke di se kae tša go feta, e ka ba matšatši a se makae a go feta ke be ke le mo tabarenekeleng . . . Ke be ke fela ke eya ka thapelong le go letela Morena le go hwetša moo dilo tše di bego di le gona bakeng sa batho. Ke hweditše dikoloi tša batho. Morena o tla bolela le nna moo batho ba tla . . .

¹² Ngwanešu Welch Evans o tla godimo fa gomme o lahlegetšwe ke koloi ya gagwe, yo mongwe o e utswitše ka Louisville. Žena le Ngwanešu Fred Sothmann le ba bangwe ba baena . . . Ngwanešu Tom Simpson, ke a dumela, o be a le mmogo letšatši leo. Goba a o be o le, Ngwanešu Tom? Gomme ba tla godimo ntlong, gomme go be go le Ngwanešu Evans ntłe le koloi, ntłe le diaparo, se sengwe le se sengwe seo a bilego le sona se be se le ka go koloi yela. Gomme ba gogetše godimo ka ga Miller gomme yo mongwe o e tšere.

¹³ Gabotse, re ne segongwane goba sehlopha ka Louisville, moo ba gogelago dikoloi tše gomme ba tla di kitimišetša tlase Bowling

Green goba felotsoko ka mokgwa woo le go di pentagape. Gomme ka Kentucky ga wa swanela go ba le thaetlele, go le bjalo, go koloi ya gago, gomme ba kgona go fetola dikoloi tšela mo metsotsong e se mekae le go di rekiša ka tsela e ka ba efe ba bego ba nyaka.

¹⁴ Gabotse, Ngwanešu Evans ka koloi ya gagwe ye nnyane le tšohle a bilego le tšona ka go yona, gomme Morena o mphile karabo bakeng sa yona. Gomme pele ebile ba fihla gae, koloi e be e dutše ntle mo e ka ba ka leteka la petrole, moo A ba retolletšego go dikologa mo tseleng go ya Bowling Green, le go ba tliša morago le go bea koloi thwi morago ntle kua le se sengwe le se sengwe ka go yona, go se selo se hlaelago, feela makhura a ba bego ba a šomiša.

¹⁵ Makga a mantši batho ba boletše gore dilo tše di *itšego*, gomme ba tla kgopela, gomme ke tla ya pele ga Morena le go leta bakeng sa dipono tšela, bjale, ba letile go fihla di etla. Eupša ke hwetša gore seo se tlišitše kotanašitiši ye kgolo pele ga batho. Ka kgonthe, batho ba Amerika ga ba komana bakeng sa bodiredi bjo bo bjalo, dikereke. Yeo ke nnete. Bo—bo bokagodimo ga nako ya bona. Le a bona? Gomme e hlola se sengwe le se sengwe, bangwe ba go bitša “diabolo,” ba bangwe ba go bitša “ramemoya,” ba bangwe ba go bitša “morwa wa Modimo,” “modimo,” le se sengwe le se sengwe. Le a bona? Kafao ke nno tshepiša Morena gore ke tla e lesa ya ya gomme ka no leta le go šomiša bodiredi bjoo ka Afrika goba go dipoledišanonyakišišo tša sebele ge ke na le tšona mo.

¹⁶ Bjale, re mo bakeng sa dipoledišanonyakišišo tša sebele, ye e sa yago pele go dilo tše bjalo. Eupša . . . Gomme tsela ya go di hwetša ga se go tla kerekeng, o ya go mongwaledi wa rena, morwa wa ka, Billy Paul, gomme o tla go fa ye nnyane . . . thekethe e go botšago feela gore e swanetše go ba neng le go ya pele. Gomme e ka ba eng boka yeo, ye e lego go dipoledišanonyakišišo tša sebele, mo goba ka tšhemong, e kgona feela go tla go kgabola tsela yela. Go na po—po potola ya yona e phatlaladitswe, goba puku, goba noute godimo ga poto ya ditaba fale, ya mokgwa wa go dira se. Eupša go no tla godimo fa go sefala . . .

¹⁷ Bjale, re na le dimpho ka kerekeng. Re na le Ngwanešu Neville mo yo a amogetšego mpho ya seprofeto. Ngwanešu Higginbotham a dutšego fa, yo a nago le mpho ya go bolela ka maleme le go hlatholla maleme. Ke tla go eletša . . . Ke tla rapela gore Modimo o tla go fa dikgonyo tša gago, eupša ke—ke eletša mohlomongwe gore ge Moya wo Mokgethwa o ka bolela bošegong bjo, mohlomongwe, ka Ngwanešu Neville goba Ngwanešu Higginbotham, goba tše dingwe tša dimpho tše ka kerekeng, gore re ne dipotšišo tše dingwe mo metsotsong e se mekae, tše mohlomongwe ba ka kgonago go dira seo.

¹⁸ Eupša, go nna mong, ke dirile tshepišo go Modimo, e sego gape ka Amerika ka dikopanong tša setšhaba, le a bona, gobane e nno ntlholela go tlogela tšhemmo. Gomme ka gona ba bangwe ba tla go kitimišetša ntle go ba di—di “diabolo,” ba bangwe ba tla dira “modimo.” Gomme kafao le a bona, gomme ba no se be komana bakeng sa yona. Gomme kafao Modimo ga a kgone go šoma seo, gomme ke na le nnete motho yo a botšišitšego o tla kwešiša. Bjale, mohlomongwe Moya wo Mokgethwa efela bošegong bjo... O no be o rapela. Ke tla rapela gore Moya wo Mokgethwa o tla go laetša thwi moo phasele ya gago e lego ye o e letetšego. Ke a rapela gore o tla e hwetša, gomme ke a dumela o tla e hwetša. Le a bona?

¹⁹ Gomme... eupša bjale... Gomme gona, bjale, Billy Paul, ge yo mongwe a ne selo se sebjalo ka seo, ge ba ka mmitša, o tla di šupetša kerekeng, ke leka go tšea ditaba tša tšhoganetšo ge ke le gae.

²⁰ Bjale, a re, bjale pele re batamela dipotšišo tše... Sa pele, ke nyaka go bolela gore karabo e ka ba efe yeo e sego go ya ka tumelo ya gago goba... ka Beibeleng, ga se go ya ka Lentšu, gona ga wa swanelo go e amogela. Gomme gore ke kgone go ya tlase le mohlomongwe go tla go sehlogo gape bošegong bjo, ke tla rata go ya go bapa le go di araba gomme tšeо ke naganago gore—gore ke na le Lengwalo go araba ka lona, gabotse, ke tla di araba, se sengwe le se sengwe seo ke kgonago. Eupša ke nno ba le tšona metsotso e se mekae ya go feta, tšohle eupša tše tharo, gomme ešita tše tharo tša tšeо ga se tša ke tša ba le ge e ka ba... Feela dilo tše nnyane ka yo mongwe o be a lorile toro goba se sengwe, ba nyaka go tseba ge eba ba swanetše go e bolela, goba se sengwe gape boka seo, le a bona.

Kafao a re inamišeng dihlogo tša rena bjale ge re batamela kgaogelo ya Gagwe.

²¹ Morena, re batho ba Gago bao ba bitšwago ka Leina la Gago. Gomme re thakgetše kudu bošegong bjo go tseba gore re ne Tate wa Legodimong yo a šetšago godimo ga rena le go re hlokomela, le go re rata bjalo ka bana baratwa ba Gagwe Mong. Gomme kafao ke thabile, Morena, gore ke badilwe le batho ba, go ba ngwanabona, gomme ke banešu le dikgaetšedi. Ke thabile kudu.

²² Go na le yo motee, Morena, yo a lahlegetšwego ke dikgonyo tsoko. O tseba thwi mo di robetšego. Ke a rapela gore O tla e utolla gomme o tla ba tliša thwi go otlologa go dikgonyo tšeо. Ke selo se bohlokwa go bona, ke go koloi ya bona. Gomme ke a rapela, Tate, gore O tla fa kgopelo ye go batho bale.

²³ Bjale ke a rapela gore O tla šegofatša modiša wa rena, moratwa wa rena Ngwanešu Neville. Re thakgetše kudu go Go bona o šoma magareng ga rena ka go dimpho tše kgolo tše tša semoya ka kerekeng ya rena, karolo ya mmele wa Kriste yeo e

rapelago mo khoneng ye ya Eighth le Penn. Re thabile kudu go balwa le sehlopha sela sa batho, le go tseba gore Modimo o utolla diphiri go batho ba Gagwe. Ke a rapela gore O tla šegofatša Ngwanešu Neville, modiša wa rena, le Ngwanešu Higginbotham, Ngwanešu Funk, Ngwanešu Junior Jackson, le dikgaetšedi tša rena, ba ba bolelago ka maleme le go fa ditlhathollo. Re a rapela, Tate, gore O tla tšwelapele go iponagatša Wenamong ka dimpho tše kgolo tše, gore kereke ya rena e ke e tsebjie bjalo ka kereke ya semoya, gore moo batho ba ba lapilego ba ka kgonago go tla le go dula ka Bogoneng bja Modimo Ramaatlakamoka le go tseba O a bolela le go utolla diphiri tša pelo.

²⁴ Gomme, Tate, ke a rapela gore O tla re šegofatša bosegong bjo go arabeng dipotšišo tše. Tše dingwe tša tšona, Morena, di magareng, gomme tše dingwe tša tšona ke tše maatla. Go yo mongwe le yo mongwe yoo a botšišitšego potšišo, ke potšišo ye maatla. Ke se sengwe seo se lego pelong ya bona, ba nyaka se rarollwe. Gomme, Tate, rena bohole re a hlaelelwā go mešomo ye, eupša re a tseba gore O feta go lekanelā. Kafao re rapela gore O tla lhatholla dipotšišo tše go rena, gore re ke re fe batho karabō ya maleba, gore ba ke ba thušwe gomme kereke e godišwe, Leina la Modimo le hlomphiwe.

²⁵ Bjale, Tate, ge e le thato ya Gago, ke a rapela gore O tlamekamekana le rena beke ye gomme o tla nthuša bjalo ka ge ke ithuta go *Dibeke Tše Masomešupa Tša Daniele*, gore nke ke kgone Lamorena le le latelago mosong, ge e le thato ya Gago, go bula Lengwalo go batho bale. Modimo, e fe, gore disoulo tša bona di ke di lapologe. Ruta bao, Morena, ba ba nyakago dilo tša go teba. Phološa bao ba lahlegilego. Fodiša bao ba babjago. Bohle re letetše Wena, Tate. Leineng la Jesu. Amene.

²⁶ Bjale, potšišo ye ya mathomo ga se potšišo tlwa, e no ba selo se sennyane bakeng sa . . . E re, a ke ema kgaušwi kudu le wo? A o a kgabakgaba, morago kua ka morago? Ge o dira, emišetša seatla sa gago godimo.

132. Ngwanešu Bill, hle bolela se sengwe ka bobedi bana le ba bagolo go beng le lešata mo mos- . . . go tlhetlha go dikologa nakong ya tirelo. Tabarenekele ye e hloka dithuto tsoko ka tlhomphokgolo.

²⁷ Amene! Bana, a ga le tsebe ka fao le ka go obamela lenabeng ka ntlong ya Modimo? A ga le tsebe gore se ke sekgethwa sa Modimo? Modimo o ka tempeleng ye kgethwa ya Gagwe, a nke yo mongwe le yo mongwe a homole. Ke lefelo la Modimo moo batho ba tlago, ba naganiša, ba leka go hwetsa phološo go soulo; ba leka go hwetsa mathata a maphelo a batho, ba leka go thuša yo mongwe. Bonnyennyane bjo le ka kgonago go bo dira ke go ba tlhomphokgolo, go homola. Ikhweletše meetse a go nwewa pele kereke e thoma, ke a tseba ba bannyane ba swanetše go nwa. Bomme bao ba nago le baisa bale ba bannyane, ge le ka

dula kgauswi le morago, ba bolokeng feela go homola ka mo go kgonegago. Gomme ga gwa swanela go ba go sevana, o motee a se tsoge a sevana. Re molato bohle. Eupša ge Beibebe yela e balwa gomme modiredi yola o tsena phuluphithing, re swanetše go homola, re letetše Morena. Bjale, hle lekang go dira seo.

²⁸ Ke a tseba, lena baisa ba bannyane, le swanetše go nyokanyoka gohle gannyane. Gore, ge o dira, e dire feela—feela kgontha gabotse. Gomme, le a elelwa, mme ga a nyake gore o dire seo, gomme papa ga a go nyake gore o dire seo. Gomme kafao . . .

²⁹ Gomme ke a tseba, ke ne ba bannyane, le nna, bao ba nyokanyokago go dikologa, le Joseph. Gomme Meda o re, “Ga ke hwetše le ge e ka ba eng go tšwa tirelong, go leka go homotsa Joe.” Gabotse, o leka go dira seo gore yo mongwe gape a kgone go hwetše se sengwe go tšwa tirelong. Le a bona?

³⁰ Gomme ka mehla re nyaka go hlomphana seng, go hlomphana seng. Gomme, ka godimo ga dilo tšohle, hlomphang Modimo le go hlompha ntlo ya Gagwe.

Bjale, potšišo ye ya go latela ke:

133. Bana ba babedi, bogolo bja tshela go ya go mengwaga ye seswai, ba be ba le fa mo aletareng mosong wo. Ke ka pejana bjang go eletsegago go ba dira ba kolobetšwe?

³¹ Feel a pela ge o kcona. “Sokologang ka pela gomme le kolobetšwe,” ke gore, Leineng la Jesu Kriste. Bjale, yeo ke potšišo nomoro ya pele. Nka eletša seo. Eupša re hwetše ka Mangwalong . . .

³² O re, “A seo ke sa Lengwalo?”

³³ Ge Petro a be a rera ka Letšatši la Pentecost, disoulo tše dikete tše tharo di pholosítše le go kolobetšwa yona nako ya go swana. “Ba bantši ba ba dumetšego go Morena ba ile ba kolobetšwa.” Kafao ka pela ge o dumela go Morena le go Mo amogela bjalo ka Mophološi wa gago, eya thwi ka go otloga go meetse gomme o dire boipolelo bja gago go thoma thwi fale; baswa goba batšofe, ga go kgathale ke mang.

³⁴ O re, “Gabotse, bana ba e ka no ba bannyane kudu.”

³⁵ Jesu o rile, “Lesang bana ba bannyane go tla go Nna, le se ke la ba thibela, gobane Mmušo wa Modimo ke wa ba babjalo.” Nka se leke go bea seatla sa ka godimo ga ngwana yo a nyakago go tla aletareng goba go kolobetšwa, go bogolo e ka ba bofe, ga ke kgathale ke bogolo bofe ba lego.

Bjale potšišo nomoro pedi.

134. Modiredi mogwera wa rena o kolobetša leineng la “Tate, le la Morwa, le la Moya wo Mokgethwa.” A re ka swarwa boikarabelo go se mmotše phošo ya gagwe?

³⁶ Ke a dumela, bjalo ka Mokriste, bjalo ka mošomo, gomme ge e le mogwera wa gago wa sebele . . . E sega go topa ngangišano le

yena; ge o dira seo, gona ga se wa loka, moyā wa gago—wa gago ga se wa loka. Eupša ge o rata ngwanešu yola, seo o swanetšego, gobane o rile, “Modiredi mogwera.” Ka gona . . . Ga go maina a saennwego go e ka ba efe ya dinoutse tše, ga ke tsebe di tšwa go mang, dipotšišo tše.

³⁷ Bjale, ke tla go eletša, mang kapa mang e lego yena, ge modiredi mogwera yo a kolobetša ka mokgwa wo, gomme o etela legae la gagwe le go ya pele, ke tla no—ke tla no bolela potšišo nako ye nngwe. Gomme seo se ka no go fa . . . E no bolela go fihla yona, e no tšwelapele o bolela go dikologa, go dikologa; gomme a nke Morena a e bule, gomme ka gona ke Morena a go botšago go e dira. Le a bona? E no leta go fihla Morena a bula potšišo. Ka gona o re go yena, o re, “Ngwanešu, ke no makala, ka Mangwalong a Mateo 28:19 le Ditiro 2:38, le go tšwelapele, a fao go na le thulano tsoko kua? A o ka hhaloša gobaneng yela e boletše fa, ‘Tate, Morwa, le Moya wo Mokgethwa,’ gomme ye nngwe e rile, ‘Leina la Jesu Kriste?’”

³⁸ Bjale—bjale, o se ke wa leka . . . Ge ka nnene o se moithuti, gomme o sa tsebe se o bolelago ka sona, bokaonana e tlogele e nnoši. O a bona? O no mmotša, wa re, “Gabotse, ke duma ge o ka tla godimo . . .” Ge a bonala go hlokofala, wa re, “Ke a makala ge eba o tla kopana le modisa wa rena goba yo mongwe gomme wa e ahlaahla?”

³⁹ Ke a le botša, ke selo sa go teba. Le a bona? O se e tšeele godimo ga gago mong, gobane o ka no itatetša wenamong go dikologa. Gomme ge le . . . Bjale, ge o tseba se o bolelago ka sona, gomme ka go iketla kgehle le go tseba Mangwalo, go lokile. Eupša o se ke wa mo kgopiša, ka gore eng kapa eng o e dirago, o se ke wa mo kgopiša. O a bona? O se ke wa tliša sekgopi, e no mmotša gore . . .

⁴⁰ Gomme, ka nnene, o phošong. Yeo ke therešo. Monna o phošong ge a kolobetša ka mokgwa woo. Motho e ka ba mang yoo a kolobetšago leineng la “Tate, Morwa, le Moya wo Mokgethwa” o phošong go ya ka Mangwalo. Yeo ke nnene.

Potšišo nomoro tharo.

135. Ka go setatamente sa tumelo, ba rile, “Re dumela go Modimo o tee, wa Gosafelego, a phelago ka go batho ba bararo: Tate, Morwa, le Moya wo Mokgethwa. Mateo 28:19, 18 le 19; Pele . . . Bakorinthe 13:14.” A ye ga se ya swanela go ba diofisi tše tharo sebakeng sa batho ba bararo?

⁴¹ O a rereša! Ga go na batho ba bararo ka go Modimohlogo. Gomme go ka se kgone go ba bomotho ntle le go ba motho, go tšea motho go dira bomotho. Ga go na Badimo ba bararo. Go na le Modimo o tee feela, gomme Modimo yoo ke Jesu Kriste. Modimo ke Moya wo o phetšego ka go Jesu Kriste, gomme o phela ka Kerekeng ya Gagwe (wena le nna) lehono, a ikaroganya

Yenamong go rena ka sebopego sa Moya wo Mokgethwa, e lego Modimo Ramaatlakamoka, Yenamong, a phela ka go lena.

⁴² Bjale, o a rereša, ke “Tate, Morwa, le Moya wo Mokgethwa,” ke diofisi tše tharo tša Modimo wa go swana. Eupša, e sego Badimo ba bararo, seo ke phošo go ya ka Mangwalo.

136. A Mokriste a ka kgona go ya Legodimong ge yena goba yena a sa lefe karolo ya lesome?

⁴³ Bjale yeo ke ye ke sa kgonego go e araba, go ya ka Mangwalo.

⁴⁴ Bjale, yo “Tate, Morwa, le Moya wo Mokgethwa,” ge modiredi a hlokoketše, e no re—e no re tsebiša, le a bona, re tla thakgala . . . Ngwanešu Neville le nnamong, goba Ngwanešu Beeler, goba Ngwanešu Collins, goba yo mongwe wa badiredi ba mo ba ba beetšwego bodiredi bjo, le go ya pele, a ka kgona—a ka kgonago go dira bjalo.

Bjale, eupša bjale: **A Mokriste ga a ye Legodimong gobane ga ba lefe karolo ya lesome?**

⁴⁵ Nka—nka se kgone go re “ee” goba “aowa” go yeo. Eupša ke a dumela gore Mokriste yo mongwe le yo mongwe o tlamegile go lefa dikarolo ka gobane ke taelo ya Morena. “Gomme ba lehlogonolo ke . . . ke bao ba dirago ditaelo tša Gagwe tšohle, gore ba be le tokelo go tsena ka Bophelong, Mohlare wa Bophelo.” Bjale, ke a dumela gore go lefa karolo go bohlokwa go boitemogelo bja Mokriste. Ka gore ke tla ya go seo ka go potšišo ye nngwe mo dinakwaneng di se kae, ke a tseba go na le ye nngwe gape e amanago le yeo.

137. Ngwanešu Branham, ke pholosítšwe gomme ke kolobeditšwe Leineng la Jesu Kriste, eupša ke tloga bjang go moyo wa mereba wo ke bonalago ke sa kgone go kgaogana le ona?

⁴⁶ Gabotse, ngwanešu goba kgaetšedi wa ka wa Mokriste, e ka ba mang a ka bago, bjale, dinako tše dintši ge o hwetša batho bao ba nago le meoya ya mereba, ka mehla ke tswalolemolato leo le hlolago se, e ka ba gore ba o abetšwe go tšwa go mme, tate, malome, rakgadi, goba makgolo, rakgolo, yo mongwe ka mokgwa woo. Gomme ge o ka šala morago go theoga go kgabola bophelo bja gago, o tla hwetša . . . Bjale, ke tšere se ka boitemogelo, ka tlase ga go hlatha, gobane ke kopane le ditaba mo sefaleng, dikete tša bao ba bilego le moyo woo. Gomme selo sa pele le a tseba, ke tla kitimiša moyo wola thwi morago ka tlatho le go hwetša gore go be go na le rakgolo, go be go le makgolo, fao go be go le yo mongwe gape morago tlase kua, gomme o abelwa leo ka tlhago.

⁴⁷ Mereba, go ba le mereba ga se ga Modimo. Gomme bjale tsela e nnoši go tloga go woo ke o swanetše go ba le tumelo go fenya woo, gore, wena o Mokriste. O morwa goba morwedi wa Modimo, efe kapa efe o ka bago yona, gomme o ka se tsoge wa kgona go

no ema le go o kgalema le go o kgalema le go o kgalema. Go no swana le ge o rumula marabe, o robetše fale komana go go loma. Ge o ka no mo hlokomologa le go sepela go tloga go yena, a ka se kgone go go gobatša. Le a bona?

⁴⁸ Kafao ge o ikwela gore o ne moya wa mereba, bea selo godimo ga aletara, gomme o dumele Modimo gore selo se hwile gomme o ka se tsoge wa ba le sona gape, gomme o ye pele gomme eibile o se fe šedi e ka ba efe go ona gape, gomme selo se tla go tlogela. *Emelanang* le diabolo gomme o tla tšhaba go lena, ke gore, “tlogang ka pela.” Kafao yeo, e tla ba keletšo ya ka fao o fenyago. Re fenyago diabolo ka tumelo. Seo ke se re fenyago bobe bjohle, ke ka tumelo.

138. Gobaneng o kolobetša Leineng la Jesu Kriste mo lefelong la leina la “Tate, Morwa, le Moya wo Mokgethwa”?

⁴⁹ Gabotse, ga go selo se sebjalo bjalo ka leina la “Tate, Morwa, le Moya wo Mokgethwa.” Leo ke lebaka. Ga se gwa ke gwa ba motho ka Beibeleng a kilego a kolobetšwa ka Leina la “Tate, Morwa, le Moya wo Mokgethwa.” Motho yo mongwe le yo mongwe ka Beibeleng, goba mengwaga ye makgolotharo ka lehlakoreng le la Beibele, o kolobeditšwe Leineng la Jesu Kriste. Ga go moapostola yo motee, ga go Mokriste o tee, ga go nako e tee go bilego “Tate, Morwa, le Moya wo Mokgethwa” le kilego la šomišwa bakeng sa kolobetšo go fihla kereke ya Katoliki e kgatlofatšwa ka go Nicene Council, mengwaga ye makgolotharo le tshela ka morago ga lehu la moapostola wa mafelelo.

⁵⁰ Ga go na selo se bjalo bjalo ka leina la “Tate, Morwa, le Moya wo Mokgethwa.” Tate ga se leina, Morwa ga se leina, Moya wo Mokgethwa ga se leina. Ke dithaetlele tše tharo, dithaetlele tše tharo tša ofisi go Leina: Jesu Kriste. Kafao kagona ga go na selo se bjalo bjalo ka leina la “Tate, Morwa, Moya wo Mokgethwa.” Gomme ga se... Ga go leina go yona, kafao ke kolobetša Leineng la Jesu Kriste e lego Leina la Tate, Morwa, le Moya wo Mokgethwa. E a hlaka?

139. Batho ba bangwe ba bolela gore “Kriste o be a le ka Haedese pele ga tsogo.” A ye...A go ne Lengwalo bakeng sa se?

⁵¹ Bjale, potšišo ya Lengwalo še ke tla rata go le araba go tšwa Mangwalong, ka gobane ba botšišitše, “A e ka go Mangwalo?”

⁵² Ke tla rata gore le tla phetla le nna go Petro wa Pele 3:18 le 20, lena ba le nyakago go E kwa, ge eba le botšišitše potšišo goba aowa, gore o se ke wa swanela go tsea lentšu la yo mongwe gape. O ka no E bala gomme wa hwetša ge eba ye ke therešo goba aowa. Ka mehla re nyaka go dula le Therešo, le moo Beibele e e boleLAGO. Gomme motho morategi yo, mang kapa mang a bego a le yena, o e botšišitše go nyaka go tseba bakeng sa tšhupetšo go tšwa Beibeleng ge se se le bjalo goba aowa.

⁵³ Bjale, re hwetša se ka go... Ge ke na le yona. Beibele ye ya kgale e kgeigile, mo, gore ke—ke bile nayo bjale mengwaga ye mmalwa. Ge nka kgona go bona ge eba ke na le yona ka fa, ke a nagana mohlomongwe... Motsothwana o tee feela, ngwanešu, ge eba ke—ke ne kgontha yeo e... A re boneng, e tla thwi ka morago ga Timotheo, Tito, le Bahebere. Ke rena ba, ya, ke e hweditše. Ke a leboga. Petro wa Pele 3, tema ya 3 ya Petro wa Pele. Tema ya 3, gomme a re thomeng ka te—te temana ya 18.

Ka gore Kriste le yena o tlaišitšwe bakeng sa dibe gatee, moloki bakeng sa baseloke, gore a ke a re tlise go Modimo, a bolawa nameng, eupša a phedišwa ke Moya:
(go phedišwa ke Moya)

Ka ona gape o ile gomme a rerele meoya ka kgolegong;

Ye nakong ye nngwe e sa obamelago, ge go pelofala ga Modimo go kile gwa leta ka matšatšing a Noage, ge areka e be e lokišwa, yeo ka go yona ba sego nene, ke gore, disoulo tše seswai di pholositišwe ka meetse.

⁵⁴ Bjale phetlang go Ditiro 2, Ditiro 2, gomme re tla tsea te—te temana ya 30, go thoma ka go Ditiro 2, gomme yo ke Moapostola Petro gape a bolela. Ditiro, tema ya 2, gomme te—te temana ya 30 ke e ngwadilego fa.

Moo... Kagona go beng moprofeta, le go tsebeng gore Modimo o mo enetše ka keno, gore dikenya tsa matheka a gagwe, go ya ka nama, o tla tsoša Kriste go dula teroneng ya gagwe;

Yena o bone se pele a bolela ka tsogo ya Kriste, gore soulo ya gagwe ga se e tlogelwe ka heleng, ešita le nama ya Gagwe ga se e bone go bola (mmele wa Kriste).

⁵⁵ Soulo ya Gagwe e theogetše ka heleng le go rerela meoya, goba disoulo tše di sa sokologago ka go pelofaleng mo matšatšing a Noage. Soulo ya Gagwe e theogetše ka heleng gomme O reretše meoya, le go tsoga mo letšatšing la boraro. Seo ke sa Lengwalo, Therešo.

140. Bjale, a tše tlhano tsa dikgarebe di lahlegile?

⁵⁶ Ke tsea o ka re ba botšiša potšišo, “dikgarebe tše tlhano,” tše tlhano tše bohlale le tše tlhano tsa ditlaela. Bjale, ge eba le be le na le rena ka dithutong tsa mafelelo ka go Kutollo, le hwetša kua gore dikgarebe tše, dikgarebe tše—tše tlhano tsa ditlaela di be di se tsa lahlega; eupša ba be ba se ba dumelwelwa go ya ka Selalelong sa Monyanya, eupša ba tlaišegile ka tlhomaro gomme ba dirwa bahwelatumelo, le go tsoga gape mo tsogong ya kakaretšo mo letšatšing la mafelelo. Bao ke batho moo A arognantšego dinku go tloga go dipudi, le a bona, ba eme pele ga Kahlolo.

⁵⁷ O re, “Gabotse, Ngwanešu Branham, a ga re eme, Kereke?”
Aowa, mohlomphegi! Ga re eme pele ga Kahlolo.

⁵⁸ Re eme pele ga kahlolo bjale, Modimo o beile dibe tša rena godimo ga Kriste, gomme re... “Yo a kwago Lentšu la Ka” Mokgethwa Johane 5:24 “gomme a dumela go Yena yoo a Nthomilego o ne Bophelo bjo Bosafelego, gomme a ka se tle Kahlolong eupša o fetile lehung go ya Bophelong.” Ga go sa na kahlolo go Kereke. E tšeetšwe godimo ka go Tlhatlogo, le go tla morago go fetiša kahlolo godimo ga batho ba ba sego ba amogela Moya wo Mokgethwa. A Paulo ga a re go se be le e ka ba mang wa rena a išago ta—ta taba kgorongtsheko, go magistrata wa go se loke, ge, “a ga le tsebe gore Bakgethwa ba tla ahlola lefase?” Re tla dula le Kriste gomme ra ahlola dikgoši le baprista, le go ahlola batho ba bao re rerilego go bona le go ba botša ka ga kolobetšo ya Moya wo Mokgethwa gomme ba ganne go O amogela. Naganang ka yona!

⁵⁹ Aowa, ba be ba se ba lahlega, eupša ba ka se tsoge ba ba ka go Monyalwa. Ba be ba etla ka tsogong ya bobedi, eupša e sego go tsoge ba ba ka go Monyalwa, le go ahlolwa go ya ka tsela ye ba swerego Seetša seo ba se amogetšego. Bjale, karolo yeo e tla ba godimo go Kriste. Ga se ba lahlega, go le bjalo.

141. Ngwanešu Branham, ka go Bakorinthe ba Pele, Korinthe, tema ya 14, temana ya 34 le ya 35, e re, “A basadi ba lena ba homole ka dikerekeng ka gore ga ba dumelwa go bolela.” ya 35, “Ka gore ke dihlong go basadi go bolela ka kerekeng.” Bjale, ge mosadi ka moriri wo mokopana a bolela—a bolela ka maleme ka—ka dikerekeng, ka kerekeng, a ke Moya wa—wa Moya wo Mokgethwa woo o bolelagoo ka yena goba a ke moyo wa maaka?

⁶⁰ Bjale, wena o... Gomme ye ke potšišo ye thata ka kgonthé, gomme nka kgona feela go e araba bokaonekaone bjo ke tsebago bjang, le a bona. Bjale, ga ke kgone go ahlola, gobane ke be ke se ka romelwa go ahlola. Eupsa ke a nagana go na le dinako tše dintši kudu... ke na le potšišo ye nngwe tlase fa felotsoko yeo e yago thwi mmogo le yona. Eupsa ge motho a bolela ka maleme, ba tloditšwe ke Modimo. Le a bona? Ba ka no ba ba tšwile taalong, yeo e ka ba therešo, gomme ba ka no ba ba dira se sengwe seo e sego sa maleba, eupša nka se nyake go bolela gore e be e se Moya wo Mokgethwa, gobane ke be nka se tsebe. Le a bona?

⁶¹ Gomme bjale go ne dinako tše ntši mo se...gore batho ba foša go ahlolana seng sa bona. Gomme ke selo se sebe go se dira. Le re, “Gobaneng, o na le moriri wo mokopana, o apara diroko tša gagwe bokopana kudu, woo—woo—woo ga se Moya wo Mokgethwa godimo ga gagwe.” Le se ke la dira seo! Le se ke la dira seo, seo ga sa loka. Ga le tsebe gore go eng ka pelong ya mosadi yola. Ga le tsebe selo ka yona. Le a tseba gore Moya wo Mokgethwa o tla mo dira a itshware gabotse gannyané, bjale, seo e ka no ba therešo. Eupsa ke tla le botša, bjalo ka lena le nna, re dumelela Modimo a dire go ahlola ga seo, gomme a nke

wena le nna re no rapelela motho yoo gore Modimo o tla ba bontšha Seetša.

⁶² Fa nako ye nngwe ya go feta monna o kopane le nna ntle fa, ka thoko. Gomme ke be ke na le mmapiano mo yo a bego a ne se nnyane, se sekopana, sekhethé se sennyane, gomme se be se no se be tlwa, ke a thanká, feela gabotse. Gomme mohumagadi o be a na le moriri wo mokopana, gomme o be a no ba lesea ka go Tsela ye, gomme o be a raloka piano. Gomme monna o kopane le nna ntle kua gomme a no nkgeretlanya diripana, o rile, “Gomme wena o moreri wa mopentecostal, gomme o tlogela mosadi yola a dule godimo kua! Moriri wola wo mokopana!” Gomme go no ya pele boka se sengwe le se sengwe.

⁶³ “Gabotse,” ke rile, “Ke nagana mosadi o ne moyo wo mobotse ka go yena. Ka kgonthé ga ke dumelane le seo, o a tseba, sekhethé se arogana godimo mo, diripa tše pedi.”

⁶⁴ Se setee sa tšona se tlase *mo* gomme mohuta wo mongwe godimo *mo*, ke hempe boka ba e apara. Gomme kafao ke ye tshese ka kgonthé le go bontšha seaparo sela sa ka fase seo ba nago naso tikologong kua. Ga ke nagane seo—seo se swanetše go dirwa. Ga—ga ke rate seo, ka kgonthé ga ke dire. Nka—nka se kgone... Ba—ba ka no ba go tlatšwa ka Moya bjalo ka e ka ba mang gape, ga ke tsebe; Modimo o tseba seo. Eupša nka se ahlole mosadi yola le go bolela gore o be a eya heleng, ka ponagalo.

⁶⁵ Motho yo wa go swana o bile le mohumagadi ka kerekeng ya gagwe yo a bileygo le moriri wo motelele gomme a apara diroko tše telele, gomme o bile le pelwapelwane go lekane go lwa le ntšhi ye e bobolago, gomme o no ba swele ka mo a kgonago go ba. Bjale, moriri wo motelele le dikhethe tše telele ga di go tseele Legodimong. Aowa, mohlomphegi! Ke Moya woo o lego ka go wena o go išago Legodimong. Eupša ge wena bjalo ka Mokriste...

⁶⁶ Gona le swanetše go elelwa gore makga a mantši badiša ga ba bolele dilo tše gomme batho ba no ya ka go itiragalla, ba nagana gore go lokile. Eupša modiša o swanetše go kgeila ka go seo. Gomme—gomme—gomme ka gona bokgaetšedi ba kereke, bokgaetšedi bao ba lego ka semelong ba eme, ba apara diaparo tša bona ka bothakga, ba swanetše go ba mehlala ya bobose, gomme—gomme bomme le go bogega bokgaetšedi.

⁶⁷ Gomme ke nagana gore mosadi e ka ba mang yoo a lego bomme le bomodimo le bokgaetšedi o swanetše go ya go motho yo bjalo, le ka bobose bja Moya, a no dula fase le go bolela le mohumagadi yola. Gomme ge a le wa Modimo, Moya wo Mokgethwa o tla kwešiša dilo tše, gomme o tla iphošolla ka boyena. Eupša ge ka pela o mo ahlola le go mo raka, o ka no gobatša lela le leswa, lesea la go tswalwa. Le a bona? Kafao nka—nka se ahlole motho.

⁶⁸ Bjale, motho a bolelagó ka maleme.

⁶⁹ Bjale, ke—ke swanetše go bolela se sengwe mo seo se ka no bago sa go tlab a gannyane, gomme ge le sa dumelane le nna, seo se lokile. Le a bona, re ahlola dilo tše ka go fošagala kudu dinako tše ntši. Ka mehla a re lekeng go nagana bokaonekaone kudu bja e ka ba mang yo a lekago go dira se se lokilego. A re hlagišeng bokaonekaone bja rena go bona. Oo, ba a leka. Ga re tsebe pelo ya bona, ntle le ge o na le tlhatho. Gomme ge ba le phošo, gona ge o ne . . . Beibele e rile, “Ge ngwanešu a patliwa ka phošong, a nke bao e lego ba semoya ba ye go ngwanešu yoo ka moy a wa bonolo, o itlhokomele ka bowena mong gore o se lekwe, gomme ba bone ge eba ba ka se kgone go boelanya motho yoo, le a bona, morago go Modimo.” Le se bolele gore ga ba ne moy a wa maleba, gobane . . .

⁷⁰ Theetšang, bjale ke ya go bolela se sengwe seo ka kgontha se yago go le hlaba lebaka la motsotso, kafao e nong go dula tuu feela motsotso. Moya wo Mokgethwa o ka kgona go bolela ka moikaketši. Tlwa! Ke e bone e dirwa, gomme nka kgona go le netefafatša ka Mangwalo gore yeo ke nneta. Nka kgona go netefatša go lena ka Mangwalo gore maatla a letimone a tše a meoya yela godimo gomme a e šomiša, kgontha, a tše a dimpho tšela gomme a di šomiša. Ke eme gabotse . . . gomme ke bone bodiabolo ba bolela ka maleme le go a hlatholla. Gomme ke bone baikaketši ba tše a wa mmapale Moya wo Mokgethwa le go bolela ka ona. Ke ka lebaka leo o sa kgone go bolela gore go bolela ka maleme ke bohlatse bo nnoši bja Moya wo Mokgethwa.

⁷¹ Bjale, nako ye nngwe ya go feta ge la mathomo ke tlišwa ka go Pentecost, ke ile Mishawaka go tabarenakele ya Ngwanešu Rowe. Ba be ba na le khonferense, e be e le batho ba Jesus Name. Bjale, ga se ke dumelane le batho ba Jesus Name. Bona . . . e sego—e sego . . . Ke banešu, eupša lebaka ke tla . . .

⁷² Ba kolobetša bakeng sa *tswaloleswa*, Leineng la Jesu Kriste; ga ke dumele seo. Ga ke dumele gore meetse a go pholosa go tšwa sebeng. Ke dumela gore ke Madi a Jesu Kriste ke *tswaloleswa*. Eupša batho ba Oneness ba kolobetša go ya *tswalongleswa*. Leina la Jesu, feela “O kolobeditše ka go la Jesu’ Leina, gomme ke gore ba pholositšwe, gobane o rile ‘Sokologang, gomme le kolobetšweng Leineng la Jesu Kriste bakeng sa go tlošwa ga dibe tša lena.””

⁷³ Eupša go tla eng pele? Tshokologo, manyami a bomodimo bakeng sa dibe tša gago, morago wa retologa. Gona kolobetšwang Leineng la Jesu Kriste, go lokile. Le dirile tšohle tša se bakeng sa go tlošwa ga dibe.

⁷⁴ Bjale, gomme ka kua, go be go le dikete tše mmalwa tša batho. Ka go matšatši ale ba be ba na le kgethologanyo ka Leboa mo, goba ka Borwa, gomme ba ile ba swanela go ba godimo fa gobane banešu ba bantši ba makhalate ba be ba etla khonferenseng ye. E be e le P.A. ya W. le P.A. ya G. . . J.C. pele

ga go tšwelela. Gomme ba be ba le ka Mishawaka, makhalate le bašweu, bohle mmogo, ga se ba kgone go ba le yona ka Borwa mo nakong yeo. Gabotse, ke bone banna ba babedi ba bašweu ba dutše mo setulong. Ga se nke ka tsoge ka kwa e ka ba eng ya melaetša ye pele bophelong bja ka. Gomme fao banna bale ba tla tsoga gomme yo mongwe a bolela ka maleme gomme yo mongwe o fa tlhathollo, le go botša batho thwi ka kopanong se se bego se fošagetše ka bona, go botša batho se ba se dirilego. Ka gona yo o tla bolela gomme yo mongwe a hlatholla. Ke naganne, “Nna, ke theogetše tlase fa magareng ga barongwa.” Ga se nke ka kwa selo se sebjalo!

⁷⁵ Bošego bjhohle, ka tšhemong ya mabele, ke rapetše. Ka gore ge e sa le lesea le lennyane, ke dumetše dimpho le dipitšo di gona ntle le tshokologo, ka mehla ke be ke kgona go bona dipono. Gomme mosong wo o latelago ba nkgopela go bolela, gomme ka dira. Ka ntle go be go le batho ba bantši ba ba tliego go nna gomme ba ntaletša dikopanong tša bona, efela ke be ke le Missionary Baptist. Kafao ke—ke nno ya pele le go e tlogela e ye ka mokgwa woo. Ka morago ga lebakana ke be ke hlogetše go swara banna barongwa ba babedi ba. Ga se ka tsoge ka kwa e ka ba mang . . .

⁷⁶ Ba tla fetoga bošweu go dikologa molomo, le go phagamelia godimo le go bolela ka maleme. Gomme yo mongwe o a ema thwi godimo le go re, “O RIALO MORENA, ‘Jones godimo fa, o dirile selo se rilego, letšatši pele ga maabane. Ge o be o sepela go dikologa ntlo o topile pukumoraba yela ye e lego ya monna yo, monna yo o e timeditše godimo mo.’ O RIALO MORENA, ‘E bušetše morago!’”

⁷⁷ “Modimo, nkgaoegele, še yona.”

⁷⁸ Le a bona, therešo, e no bolela se bjalo ka seo, go botša batho thwi ntle, ke naganne, “Oo, nna, a ga go makatše!” Kafao, nako yeo ke naganne, “Yo ke Modimo!”

⁷⁹ Gabotse, gona ke fihlile go yo mongwe wa banna bale, gomme ge ke be ke sa bolela le yena, ke rapetše, “Modimo o ntirile go ba le seo, e ka ba eng Se lego.” ke be ke sa tsebe ke Se bitše eng, pono, ke be ke sa tsebe ke Se bitše eng. Gomme ge monna yola a etla pele ga ka, gomme ke swere šedi ya gagwe, go no tšwelapele go bolela le yena go fihla ke swara moywa gagwe, go no swana le ge mosadi a dirile mo . . . Jesu o dirile, mosadi mo sedibeng. Ke nno tšwelapele ke bolela go fihla ke swara moywa gagwe. Gomme o be a le Mokriste, wa kgonthe, mokgethwa wa mmapale wa Modimo. Ke naganne, “A go šegofatše Leina la Morena!”

⁸⁰ Ke kopane—kopane le monna wa go latela a etla go rarela khona, e ka ba seripa sa iri moragwana, gomme ke boletše le yena. Gomme ge eba nkile ka bolela le moikaketši, o be a le yo mongwe wa bona. Mosadi wa gagwe o be a le hlogontsho, gomme

o be a dula le hlogo khulwana gomme o bile le bana ba babedi ka yena; gomme efela a bolela ka Moya wa go swana monna yo a bego a bolela ka ona, le go fa tlathollo ya go swana, feela gabotse tlwa. Morago ke tsebile.

⁸¹ Pele ga tshokologo ya ka, ke bile le boitemogelo nako ye nngwe go yeng ka kampeng ya boloi le Maindia. Ke babini ba diabolo. Ba tsea noga gomme ba e tatetša go ba dikologa, le go dira mmino wa mabele, le go bolela ka maleme le go a hlatholla, le go bolela tlwa therešo se se dutšego magareng ga batho. Gomme ke bone moloi a tsea phe—phe phensele gomme a e bea fase, le go bona phensele yela e emeleta gomme e ngwala ka maleme a go se tsebje, le go e hlatholla le go botša batho tlwa se se bego se direga ntle go kgabola kua. Ka kopanong ya ramemoya!

⁸² Kafao ke rile, le a bona, “Ke tsene magareng ga bodiabolo,” gomme ke tlogetše selo ka moka go ya.

⁸³ Kafao letšatši le lengwe godimo ka Green’s Mill, ke be ke le godimo kua ke rapela ka leweng la ka, e sego bakeng sa seo, gomme ka tšwela ntle gomme ka bea Beibele ya ka fase. Ke . . . Go be go le mouwane morago ka leweng gomme ke nyakile seetša tsoko sa letšatši, gomme e be e le morago ga sekgalela, gomme ka tšwela ntle gomme ka bea Beibele ya ka fase. Ke be ke eya go bala lebakana le lennyane, ntle godimo ga kota ye e robetšego mohuta wa go theoga thaba. Gomme ke ile ka no bea Beibele fase, gomme ka thoma go bala. Gomme phefo e fokile, gomme ya E phuthollola godimo go Bahebereg temba ya 6. Ke naganne, “Mohlomongwe Morena o nyaka ke bale yeo.” Ke e badile.

⁸⁴ “Rena ba re kilego ra bonegetšwa, ra dirwa batšeakarolo ba Moya wo Mokgethwa, go boneng re a wa . . . go impshafatša renabeng gape go tshokologo. Pula e tliša pele . . . lefase le hlagiša dikenywa gomme pula e rometšwe go le nošetša, le meetlwa le ditshehlo tseo di lego kgauswi le go lahlwa, tseo bofelo bja tšona e lego go tšhungwa.” Se sengwe ka mokgwa woo.

⁸⁵ Gabotse, ke e badile gomme ka nagana, “Gabotse, tumišang Morena.” Ke e phutholletše godimo go ye nngwe, ka gopola, “Gabotse, ke tla no bala felotsoko godimo ka mo felotsoko gape.” Ke e beile fase ka mokgwa woo, ka pikitla mahlo a ka, phefo e le phutholletše morago go Bahebereg 6 gape. Gabotse, seo se diregile makga a mararo goba a mane, bontši ga raro bjalo, go le bjalo. Ke naganne, “Ga ke bone selo sa phošo ka seo. Ke eng se lego ka fale?”

⁸⁶ Nno ntumelelang, le ka kgona . . . Le e badile makga a mantši, Bahebereg 6, “Meetlwa le ditshehlo. Pula e tla gantši godimo ga lefase go le nošetša, go le apeša, le a bona, bakeng sa kenywa ya lona. Eupša meetlwa le ditshehlo tseo di lego kgauswi le go ganwa, tše bofelo bja tšona e lego go tšhungwa, go kgobelwa le go tšhungwa.”

⁸⁷ Ga se ke kgone go hwetša selo go tšwa go yeo. Ka gopola, “Gabotse, meetlwa le ditshehlo go tšhungwa, Modimo o tseeela Korong ya Gagwe sešegong, seo se a e rarolla. Kafao ga ke bone selo ka yeo.”

⁸⁸ Ke be ke dutše fale, ke be ke lebeletše ntle ka mokgwa wola, gomme pono e tlide pele ga ka. Gomme ke bone lefase le dikologa ka mokgwa *wo*, gomme lohle le be le tesitšwe le le komana go bjålwa. Gomme monna a apere kobo ye tšhwēu, hlogo e inametše fase ka go mokotla wa go fepa, goba mokotla wa peu, a ke re, o be a eya mmogo. Gomme ga ke tsebe ge eba e ka ba mang wa lena o elelwa tshepedišo ya go ga ša ya kgale, kafao le... Ke bone papa a e dira. A e lahlela ka diatla tša gagwe ka mokgwa *woo*, gomme di be di no wela godimo ga mabala, dipeu ka mokgwa *woo*. Gabotse, monna yo o be a lahlela dipeu ka mokgwa *woo*. Gomme ka pela ge a ile pele, godimo ka morago ga gagwe go tla korong e etla godimo.

⁸⁹ Gabotse, ka pela ge a ile go dikologa dikhutlo tša lefase, Ke bone se sengwe se seso se etla godimo, boka ngwedi wo moso. Gomme ke lebeletše, gomme o tlide kgauswana, e be e le mo—mo monna, wa go tia yo moso, a apere boso. O be a thelela mmogo, a lebelelega ka mokgwa *wo*. Gomme o be a na le mokotla wa peu, feela, ka fao, o be a na le ngwang. Gomme o be a di bjala magareng ga korong ye ka mokgwa *woo*, a e foša pele ka tsela e tee le ye nngwe. Gomme ka morago ga gagwe go tla ngwang, ditshehlo, meetlwa, mešwana, le se sengwe le se sengwe.

⁹⁰ Gabotse, ke naganne, “Yeo ke dihlong go monna yola go dira selo boka seo.” Ka ponong, ke be ke sa nagane ka yona go beng ya Lengwalo, le a bona. Gomme ke rile, “Monna yola o bjala ona ngwang ka go tšhemoya korong ya monna yola.”

⁹¹ Ka gona go ile gwa fiša ka kgonthe. Korong ye nnyane e swaretše hlogo ya yona godimo le go ya “huh, huh, huh” ka mokgwa *woo*, e no fegelwa ka mokgwa wo bakeng sa mohemo. Ngwang wo monnyane o be o na le hlogo ya gagwe godimo, “huh, huh, huh,” o be a fegelwa bakeng sa meetse, le ona. Yo mongwe le yo mongwe o be a rapelela pula.

⁹² Morago ga lebaka e fihlile... Maru a magolo a ledimo a tla godimo gomme e ile ya no na fase yohle, gomme ge e dirile, pula e rathile lefase. Gomme korong ye nnyane ya thoma go tabogela godimo le fase, e goelela, “Haleluya! Tumišang Morena! Haleluya! Tumišang Morena!” Gomme ngwang wo monnyane o goeletše, “Tumišang Morena,” o otlologetše thwi godimo, bophelo bo tla go ngwang feela go swana le korong.

⁹³ Gomme ka gona Lengwalo le a tla, “Pula e nela godimo ga baloki le ba ba sa lokago.” Fao ke e swere. Le a bona?

⁹⁴ Yo, ge motho a dutše ka phuthegong, moyo o ka kgona go wela godimo ga motho yoo, gomme efela le a tseba gore ba phošo gomme ga ba phele mohuta wa bophelo bja nnete, hlokomela se

o se bolelago ka moyā wola, e ka no ba Moya wo Mokgethwa. O se ke wa ahlola mo—mo moyā ka motho. Motho a ka no ba phošo eupša, bjale, a Beibele ga e re, “Pula e nela baloki le ba ba sa lokago”? A Jesu ga se a ke a re, ge mašemo a be a bjälwa, “Di leseng tšohle di gole mmogo, mefoka le korong, mmogo. Le se ke la leka go tomola mefoka. Le se ke la leka go ba ahlola, nnong go di lesa di gole mmogo. Gomme ka letšatši leo barongwa ba tla romelwa pele gomme ba tla tšeа mefoka yohle le go e tšuma, gomme Korong e tla kgobelwa ka sešegong”? Eupša re ba tseba ka dikenya tša bona. O ka kgona go tseba ka pelong ya gago. Tšwelapele o leka gomekamekana le motho yola.

⁹⁵ Le se ke la bolela gore mosadi yo, ge a apere bohlaswa goba...E balegile bjang? “A re boleleng gore Moya wo Mokgethwa o tla etela...” A re boneng. Aowa, ke ne ya go fošagala mo, ka mokgwa wo mongwe. Oo, še yona, ee.

Basadi ba ba bolelago ka maleme. Bjale, ge mosadi ka moriri wo mokopana a bolela ka maleme ka kerekeng, ke Moya (a re boneng), a ke Moya wa Moya wo Mokgethwa woo o bolelago ka yena goba a ke moyā wa maaka?

⁹⁶ Le a bona, nka se bolele selo. Gomme ge o naganne mosadi o be a no se loke tlwa ka go ba le moriri wo mokopana... (Ke a dumela yeo e be e le thuto)...ya, “moriri wo mokopana,” gobaneng o sa, ngwanešu, ge o le monna yo a nyetšego gomme yo ke mosadi yo a nyetšwego, gobaneng—gobaneng o sa tšeе mosadimogatša wa gago goba go dira mosadimogatša wa gago go bolela ka bose le mohumagadi yo monnyane yo? A re dumeleng o ne Moya wo Mokgethwa. Ge eba a le ka kerekeng ye, ke ya—ke ya go dumela gore o dirile. Gomme ka gona, e no re, mohlomongwe o...

⁹⁷ A le be le tseba, gatee ka lebakana, re ka lekola gomme ra hwetša gore re ka no ba le se sengwe se sennyane sa phošo, le rena. Le a tseba, seo—seo—seo se mohuta wa go loka, le a tseba. Kafao yo mongwe a ka no swanela go re botša se sengwe. Dinako tše ntši batho ba mpoditše gore dilo tše ntši di be di fošagetše, gore ke be ke dira phošo, ke a e leboga.

⁹⁸ Eupša bjale a re boleleng gore... a re dumeleng gore e ka ba eng se lego, a re dumeleng se, ge mosadi a se Mokriste tlwa, ge a no be a itiriša, Modimo o tla mo ahlolela seo. Yeo ke nnete. Eupša... Gomme ge a apere bohlaswa, le dilo tše a di dirago ga se tša loka, Modimo o tla hlokomela seo. Eupša a re dumeleng gore Moya wola godimo ga mosadi yola ke Moya wo Mokgethwa. Le a bona, gobane ga re tsebe.

⁹⁹ Bjale, ge tlhathollo ya “moya wo mokgethwa” wola e fa se sengwe, thogako go Kriste... “Ga go motho a bolelago ka Moya a bitša Kriste morogwa.” Ge mosadi yola a bolela ka maleme gomme tlhathollo e etla gore “Kriste o rogakilwe,” gona le a tseba woo ke moyā wo mobe go mosadi. Eupša ge feela o šegofatša le

go godiša Kriste, gona dumelang Moya woo. Le a bona? Amene. Ke a holofela seo ga se gakantšhe. Ke a holofela seo se fa seetša se sennyane godimo ga sona, go le bjalo.

- 142. Doiteronomio, tema ya 23, temana ya 2, a ga e rute gore motho yo a belegwego ka ntle ga lenyalo a ka se phološwe? E bolela gore “Modimo o tla etela bokgopo bja batswadi godimo ga bana go fihla molokong wa boraro le wa bone.” Hlaloša se ye e se rago.**

¹⁰⁰ Go lokile. Bootswa e be e le selo sa go befa kudu ka nakong ya Beibele go fihla ebile ge monna a bile le ngwana ka mosadi yo e bego e se mosadimogatša wa gagwe, ngwana yola, bana ba bana ba gagwe, lebaka la meloko ye mene, mengwaga ye makgolonne le metšo, ba be ba sa kgone go tsena ebile ka phuthegong ya Morena, ka gobane gore madi a dipoo le dipudi le dithole a be a sa lekanela go tloša sebe. E ka kgona feela go hlala goba e kgonne feela go khupetša sebe, e ka se kgone go tloša sebe. Le a bona? A be a sa kgone go tloša sebe, a be a kgona feela go khupetša sebe. Bootswa ke selo sa go befa!

¹⁰¹ Mosadi, lebjebohllokwa le bohlokwa, yoo Modimo a mo dirilego go ba mme, o mo rwešitše boikarabelo ka bomme, gore ge a ka belega ngwana go tšwa go monna yo mongwe e sego monnamogatša wa gagwe, gona go be go le thogako godimo ga ngwana yoo, le bana ba gagwe, le bana ba gagwe, le bana ba gagwe, go ya go meloko ye meraro le ye mene. Ebile le dinako tše dintši bjalo ka sifilisi, le—le bofotu le dilo di rathile batho. Ee, e be e le sa go šiiša, selo sa go šiiša go mosadi go ba le lesea ka ntle ga lenyalo le lekgethwa. Bjale, e sego feela nako yeo, eupša e sa le selo sa go šiiša, kgonthe ke sona, ka mehla.

- 143. A Hesekiele 38 le 39 di tla tla go phethega pele ga Tthatlogo?**

¹⁰² Bjale ge le tla hlokomela, Hesekiele 38 le 39 e mekamekana le Gogo le Magogo, e lego Russia, naga ya leboa. Bjale, ga ke re ye e nepagetše, eupša go tsela ya ka ya go e ruta, gore, go tla go phethega ka morago ga Tthatlogo, ka morago ga ge Kereke e tšerwe. Gomme Modimo o mekamekana le Gogo le Magogo ge ba etla tlase pele ga Israele kua. Gomme ke nagana gore go tla tla go phethega ka morago ga Tthatlogo. Bjale, seo ga se e dire bjalo, le a bona. Eupša yeo e no ba tsela ya ka ya go e ruta. Ke a nagana seo ke se ba bego ba nyaka go se tseba, se kgopolo ya ka e bego e le.

- 144. Morena o re boditše ka seprofeto go hlatsela ba bangwe ka dilo tše re di kwelego le go di bona mo, bjalo ka bokgauswi bja go Tla, kolobetšo Leineng, Leineng la Jesu, le dilo tše bjalo. Re boditše dilo tše go ba bangwe bao ba bonalago e le Bakriste, efela ga ba bonale go dumela. O nagana gore go tla direga eng go batho bao? A ba tla ya ka Tthatlogong?**

¹⁰³ Bjale, ke thabile o e boletše ka tsela yeo, “O nagana eng?” E lego seo se ka se e dirego gabotse gobane ke tla e nagana. Ke dumela gore ga go motho a ka kgonago go sepela ka go Seetša sa Modimo go fihla Modimo a Se utolla go yena. Gomme ga ke dumele gore motho e ka ba mang yoo... Dilo tšohle tše di utilwego di utilwe go batho, gomme ga go motho a ka kgonago go di bona ntle le ge Modimo a di utolla, gomme ke a e dumela gobane ka Beibeleng ka mehla go bile ka tsela yeo.

¹⁰⁴ A Jesu ga se a bolela gore “Le na le mahlo gomme ga le kgone go bona, le ne ditsebe gomme ga le kwe”?

¹⁰⁵ Gomme go le bjalo ka go Mateo, ke a dumela e ba tema ya 8 goba ya 12, go boletšwe gore “Le ge Jesu a dirile mehlolo ye mentši magareng ga bona, efela ga se ba kgona go dumela. Ka gobane Jesaya o boletše, seprofeto se boletše gore ‘Ba ne mahlo gomme ga se ba kgona go bona, le ditsebe gomme ga se ba kgone go kwa.’” Le a bona?

¹⁰⁶ Gomme Jesu o rile, “Ga go motho a ka tlago go Nna ntle le ge Tate wa Ka a mmitša pele, gomme bohle Tate a Mphilego ba tla tla go Nna.” Seo se a e ruma, le a bona.

¹⁰⁷ Bjale, le—le ne boikarabelo go phatlalatša Seetša, ga le na boikarabelo go bona go amogela Seetša. Le rwala boikarabelo go Se iša go bona, eupša ga le na boikarabelo bakeng sa phetogo ya bona. Gomme ka gona ge Modimo a ba dumelela ka gare, seo se tla ba godimo go Yena. Ge ba se ba apara diaparo, le go ya pele, gomme ga ba... Eupša ba... Elelwang, ga ba kgone go Se bona go fihla Modimo a Se utolla go bona.

145. Ngwanešu Branham, ka go Daniele tema ya 11, temana ya 31, e ruta ka letšatši... go tloša sehlabelo sa tšatši ka tšatši, le makgapha a a dirago tšhwatalanyo. Hle a o ka hlatholla se tše di lego sona?

¹⁰⁸ Oo, motho yo o saenne leina la bona go ye. Yeo ke thuto ya ka go Lamorena la go latela, gomme yeo e tla ka gare le—le *Dibeke Tše Masomešupa Tša Daniele*. Eupša... Gomme nka no bolela se go wena, ngwanešu wa ka yo bohlokwa kudu yoo a saennego ye fa, e lego mogwera morategi kudu go rena bohle. Ee, “makgapha a a dirago tšhwatalanyo,” Jesu, ka go Mateo 24, o boletše ka yona. Makgapha (a ra ditšhila) ao a dirago tsheny, makgapha e be e le Mosque Moslem wa Omar wo o agilwego godimo ga mabala a tempele moo Lefelo le Lekgethwa le bego le eme.

¹⁰⁹ Ka A.D. 96, Tito o tlide gomme a swara Jerusalema gomme a tšhuma tempele, gomme ba agile Mosque wa Omar (bodumedi bja Mohammedan) thwi mabaleng a tempele, gomme o sa eme kua go letšatši le. Gomme e tla ema fale go fihlela Modimo a boela go Bajuda gape. “Gomme makgapha (ke gore Mosque wa Omar) a a dirago tšhwatalanyo ya Lefelo le Lekgethwa,” a eme ka Lefelong le Lekgethwa, le a bona.

¹¹⁰ Jesu o boletše ka yona, a re, gomme ka mašakaneng, “(a nke yo a balago a kwešiše).” Le a bona? Kagona, O file matšatši a mantši kudu go tloga nako yeo go fihla...ka morago ga Mokgoma le matšatši a mantši bjalo, le go ya pele, ye re tsenago ka go yona Lamorena la go latela. Gomme ke tla leka go, bokaonekaone bja tsebo ya ka, go le tlišetša seo ka gare bakeng sa Lamorena la go latela. Eupša makgapha ao ke Mosque wa Omar wo o tšerego lefelo la tempele, gore, “Ge le bona makgapha ao a dirago tšhwatalanyo, a boletšwego, ke moprofeta Daniele, a eme ka go Lefelo le Lekgethwa.” Le a bona, a eme moo tempele e bego e eme (Lefelo le Lekgethwa), Mosque wa Omar.

146. Ngwanešu Branham, a ga o ikwele gore yo mongwe le yo mongwe yo a tteleimago go ba Mokriste o swanetše go lefa dikarolo, ba lefe dikarolo tša bona ka ntlong ya bobolokelo ya Morena? Hle efa Lengwalo go potšišo ye.

¹¹¹ Go lokile, ge le ka rata... Yeo ke nnete, gore Beibele e boletše ka go Maleaki, tema ya 4, “A motho a ka pata Modimo? Gomme le re, ‘Ke kae moo’ o ‘Mo patilego?’ Ka karolo le meneelo. Tlišang dikarolo tšohle tša lena le meneelo ka ntlong ya bobolokelo ya Ka, gomme le Nteke,” o rialo Morena, “ge Nka se bule mafastere a Legodimo, le go tšhollela ntle tšhegofatšo yeo go ka se bego sekgoba go lekanela go amogela.”

¹¹² Yeo ke tlhohlo go motho ka motho e ka ba mang! Gomme ge feela nkabe ke bile le nako, gomme nka se tle go Lengwalo le lennyane le leo ke dumago go fihla go lona e ka ba metsotsotye lesome ye e latelago, Ke rata go le fa bopaki bja sebele bja ka fao gore ebile ke be ke swerwe ke tlala, gomme mme wa ka le bona ba swerwe ke tlala, gomme papa wa ka a babja, eupša ke tšere karolo ya lesome ya ka ntle pele le go e fa Modimo, gomme o swanetše go bona se se diregilego. Ga se nke ka ke ka bona bophelong bja ka, gore monna e ka bá mang goba mosadi, gore ge feela o dira tolara e tee ka beke, o tla tliša disente tše lesome tša tšelete yeo le go e bea ka ntlong ya gago ya bobolokelo, goba kereke moo o tlago, ge Modimo a sa šegofatše seo mpiše moikaketsi. Ee, mohlomphegi. Yeo ke tlhohlo go e ka ba mang. Gomme Mokriste yo mongwe le yo mongwe... Seo se ya go potšišo ye nngwe. Mokriste yo mongwe le yo mongwe o swanetše go lefa dikarolo! Yeo ke nnete. E swanetše go dirwa.

Go lokile, bjale:

147. Ge motho goba batho ba bolela ka maleme a go se tsebje ka segalo sa segalontšu sa go swana nako le nako, selo sa go swana, eupša tlathollo e fapania ka mohlathollia nako le nako, a woo e ka ba Moya wo Mokgethwa?

Bjale a nke ke bale yeo gape.

Ge motho goba batho ba bolela ka maleme a go se tsebje ka segalo sa segalontšu sa go swana (ka mantšu a mangwe, go no bolela selo sa go swana boka lentšu le rilego rilego

gape le gape le gape) nako le nako, le selo sa go swana nako le nako, eupša tlhathollo ka mohlathollie a fapano nako le nako, a wo e ka ba Moya wo Mokgethwa?

¹¹³ Bjale, go na le ye e thatafilego, eupša a nke ke fe feela seetša se sennyane godimo ga ye ge nka kgona. Gomme ke na le nnete le tla kwešiša gore yo e no ba Ngwanešu Branham a leka go dira bokaonekaone bja ka, eupša a nke ke no fa se bjalo ka boitemogelo bja ka mong bja sebele bja go šoma le dilo tša semoya. Gomme ke leboga tshepo ya lena ya go mpotšiša dipotšišo ka mokgwa wo. Ge le ka be le se tshepo ka go nna, le be le ka se mpotšiše tše bjalo. Ke a dumela Mokriste o be a ka se botšiše dipotšišo go tsoša ngangišano, ke a dumela ba leka go hwetša se e lego Therešo. Le a bona? Gomme ke tla araba, gomme ge... Gomme ke tla e araba, gomme ge eba ke itirile ka bonna go hlaka “ke bokaonekaone bja tsebo ya ka,” gomme ka gona ge moya woo ka go wena o befelwa, seo se laetsa gore ga se Moya wo Mokgethwa ka kua. Le a bona? Kafao gona Moya wo Mokgethwa o ka se befelwe, o tla phošollwa nako le nako ka Lentšu, gomme wa emela go phošolla.

¹¹⁴ Bjale a nke ke bolele se, gore ke... Ka go taba ye, elelwang, Modimo e be moahlodi wa ka. Ke, yo ke William Branham, nka se kgone go bolela. Eupša ka maitemogelo ao ke a hlatsetšego ge ke le ka tlase ga tlotšo ya dikopano tše bjalo, Ke a dumela gore motho yo a bolelago selo sa go swana godimo nako le nako, segalo sa go swana sa segalontšu, ka kgonthe o bolela ka maleme. Ke a dira, ke a dumela, ka Moya ba bolela ka maleme, ge ba le Bakriste. Ba bolela ka maleme, ga go pelaelo. Eupša ke a dumela gore o hwetša sebopego sa tlhathollo ya phošo.

¹¹⁵ Bjale, makga a mantši, batho... ga—ga ke... ke a tseba e no ba setšhaba sa kereke mo, Ke a thanka, bošegong bjo, go le bjalo, ka ga. A ga se yona, Ngwanešu Neville, feela e ka ba eng e tlago? Kafao ge basetsebje ba le mo gomme lena go fapano ka se, ke leka go bolela le kereke ya ka mong, le a bona.

¹¹⁶ Bjale, bjalo ka tatagolena ka go Ebangedi, bjalo ka wa lena—bjalo ka modiša wa lena, ke tla rata moragwana gannyane, ge meoya ya lena le dimpho di thoma go phethagala... Ge le eya go ba bogela ba fofa ba tlemologile le go hwetša... gona bokaone feela o šetše—šetša motho yola, e no e lesa e sepele gobane ga se Moya wa Modimo godimo ga bona. Eupša ge ba le bose le boleta le go kokobela le go lokela, le se sengwe le se sengwe, woo ke Moya wa Modimo. Gomme ge—ge yo mongwe a etšwa tshepedisong gomme modiša o swanetše go e bitša fase, gomme moyo wola o fofa godimo, gona ga se Moya wa Modimo. Moya wa Modimo ka mehla o a ema, o tla go Lentšu. Le a bona? O lemoga Lentšu nako ye nngwe le ye nngwe.

¹¹⁷ Bjale, eupša bjale ga ke leke go—go—go hunyela goba go le šišinyetša fase, ke no leka go dira therešo. Bjale, yo mongwe a

bolela ka maleme, gomme yo mongwe o emeleta go hlatholla maleme. Bjale theetšang kgauswi. (Gomme ke nagana ye e a gatišwa. A ke yona?) Ka go tlhathollo ya maleme...Bjale, ke ya go swanela go tla fase ka go thuto tsoko bjale le ye. Ka go tlhathollo ya maleme, batho ba bantsi ba hlatholla maleme ka tlhagišo ya tlaleletšo ka wona maikutlo go bolela selo se sebjalo. Yeo ga se tlhathollo.

¹¹⁸ Thathollo ke ge ba bolela ka leleme la go se tsebjie, o ba kwa ka Seisimane, gomme go no bušeletša godimo se ba se bolelago. Eupša...ge motho yo a bolela ka kerekeng ya gago...ga ke nagane re ne yona ka go ye tee ye. Ge e dira, ga se nke ka tsoge ka e kwa.

¹¹⁹ Eupša yo mongwe a emeleta go no bolela boka lentšu tsoko le rilego, gape le gape, goba segalo tsoko sa segalontšu se kitima thwi go theoga, thwi go theoga, thwi go theoga, thwi go theoga... .

¹²⁰ Ke a le botša, ga ke dumele Junie Jackson mo bošegong bjo. A o gona? Ga ke nagane gore o gona. Eupša ka mehla ke maketše ka Junior Jackson le go bolela ga gagwe ka maleme, le Ngwanešu Higginbotham, le ba bantsi ba lena batho mo, ka fao le bonago phetogo yela ya segalontšu ka go tlhathollo. Le a bona? Bjale—bjale seo se lokile. Bjale, ga ke...ga ke phagamiše kereke ya ka. Aowa, mohlomphegi. Ge kereke ya ka e hlokile go phošollwa, ke—ke ya go ema fa le go dira bokaonekaone bja ka bakeng sa Mophološi wa ka, yeo ke nnete, ge eba e a gobatša goba ge eba ga e dire. Ke nna—ke nna tatagolena ka go Ebangedi, le a bona, gomme ke nyaka...Ga o nyake moywa go fošagala, o nyaka moywa maleba. Ga—ga o... .

¹²¹ Gobaneng o tšea—o tšea kemedi mola go na le mafaufau ka moka a pentecostal a tletše ka kgonthe? Gobaneng o eja ka go kotikoti ya ditšhila ge go ne ye kaone, ye kgolo, tafola ya go hlweka e dutše fa ka kgogo le matompolo le se sengwe le se sengwe? Le a bona? Gobaneng re ka dira seo? Le a bona? A re hwetšeng ya kgonthe, ke seo re se nyakago, ya kgonthe, ya mmapale.

¹²² Bjale, ke a dumela, ka go setatamente se seo se dirilwego fa, selo sa go swana godimo, ke dumela go setatamente sela gore bobedi di nepile, eupša ga ke dumele gore mohlatholli o hlatholla leleme la motho. Ga ke dumele seo. Ke a dumela gore Moya o gona gomme mohlatholli o a profeta. Ke a dumela ke yena yo a profetago sebakeng sa mohlatholli ge a sa kwe segalontšu ka go ya gagwe mong pol... . “Re kwa bjang motho yo mongwe le yo mongwe ka polelo ya rena beng yeo re tswetšwego ka go yona?” Le a bona, o swanetše go kwa ka go swana, o swanetše go e kwa ka Seisimane. Ge... .

¹²³ Mo, *mohlatholli* šo. Bjale, ke a emeleta, gomme ke—ke tseba feela mantšu a mabedi goba a mararo ka go po—ka go po—ka po

polelo ya go fapana, yeo ke tsebago ka yona. Bjale ke no tšeа se ka kgonthе, e segо ka semoya bjale. Bjale ke ya go re, "Kudu, ke thabile kudu. Ke...Ke nyaka go bolela Seafrikanse." Bjale, ke a kamaka ge eba go mothо mo o tseba se ke se boletšego. Ya, ngwanešu, ke boletše eng? [Ngwanešu o re, "O rile o ka kgona go bolela Seafrikanse"—Mor.] Seafrikanse, "Kudu, ke thabile kudu," "Ke kudu, thabile kudu." "Ke mo go bolela Seafrikanse," le a bona, "Go bolela Seafrikanse." Le a bona? "Ke mo go bolela Seafrikanse."

¹²⁴ Bjale, o dirile eng? O...ke be ke bolela Seafrikanse eupša o nkwele ka Seisimane. A yeo ke nnete? Gobane o tseba Seafrikanse. Bjale, ge eba o bolela...ge eba ke eme fa goba ke re...rera, gomme Ngwanešu Neville o hlathollela go polelo ye nngwe ya batho, o bolela ka polelo ya bona se a nkwago ke se bolela; o tseba se ke bolelago ka sona gobane o tseba polelo ya ka.

¹²⁵ Gomme ge o bolela ka leleme la go se tsebje, le go hlatholla, o kwa ka polelo yeo o tswetšwego ka go yona, gobane yeo ke tsela e nnoši o ka kgonago go hlatholla se ba se bolelago, ka gobane Moya wo Mokgethwa o e hlathollotše go wena gomme o no bolela bakeng sa Moya wo Mokgethwa.

¹²⁶ Eupša gona ge Moya o le gona go šegofatša mothо yo wa go šokiša, gomme ba eme godimo...Boka ngwanešu yo bohlokwa wa kgale, a ile pele, o ka Letagong bošegong bjo, ka kgonthе ke a dumela. Soulo ya go rategarategi yeo ke...Motšofe Ngwanešu Ryan, rena bohole re a mo tseba. O be a fela a ema fale mo mokgotheng... (Gomme Modimo, ntshwarele, e segо go nyefola...ke a tseba ke... Go hlapaola Moya wo Mokgethwa ke goselebalelwе.) Eupša Ngwanešu Ryan o be a fela a bolela lentšu le tee gape le gape nako yohle, se sengwe ka "seekem le seekem le seekem," goba se sengwe boka seo. O be a tlwaetše go ba... Gobaneng, yo mongwe o rile, "A o nagana seo ke sa Modimo?"

¹²⁷ Ke rile, "Ka kgonthе, ke ya Modimo! Ka nnete, ke a dumela ke ya Modimo." Eupša o be a bolela ka maleme, eupša ga se ke kgone go bolela se a bego a se bolela gobane ga ke tsebe. Eupša, gomme bogona bja Moya bo be bo le fao.

¹²⁸ Kafao ge bogona bja Moya bo le gona, gomme mothо yo o no bolela lentšu le tee, gape le gape le gape, gomme yo mongwe yo o tabogela godimo le go leka go fa tlhathollo, efela ga a tsebe se a se bolelago. Ge monna yo a sa fe tlhathollo, o a profeta; moya wa seprofeto o godimo ga gagwe gomme o a profeta, e segо go fa tlhathollo.

¹²⁹ Kafao kagona, morategi Mokriste, go wena yo a boletšego gore, "A woo e ka ba Moya wo Mokgethwa?" E ka kgona go ba Moya wo Mokgethwa o šomiša diofisi tše pedi. Ye tee, e šegofatša soulo ka go bolela ka maleme; gomme yo mongwe, a profeta, e segо go swanelo go hlatholla se a se bolelago. Eupša go le bjalo o e boletše. Moya wo Mokgethwa o tlie godimo ga gagwe

ka seprofeto feels nako ya go swana yeo yo a bego a bolela ka maleme, gomme o naganne e be e le tlhathollo, ke phapano efe e dirago? Ke Moya wa Modimo o efa molaetsa go kereke. Eupša *tlhathollo*, e swanetše go kwešiša ka Seisimane le go bušeletše morago tlwa se motho a se boletšego, yeo ke mpho ya tlhathollo.

148. Ge go le—ge go šetše go ne melaetsa ye meraro e ilego ntle ka maleme a go se tsebjie ka kopanong e tee, gona ka go mothalo wa thapelo a go ka ba melaetsa ye mentši e yago ntle gomme wa fela o sa le lenaneong la semoya la kopano?

¹³⁰ Gobaneng, ka kgonth. Yeo ke nnete. Kgonthe. Ke tseba moo o yago gona. Go na le Paulo, o rile, “Ge ba be... O profeta le go bolela ka maleme,” se sengwe boka seo, Paulo a bolela ka...

¹³¹ Moragwana gannyane, ge lena bohole... Ngwanešu Neville, ge bohole bjale le nyaka go, batho ba bao ba nago le dimpho tše tša semoya... Bjale, ge le ka tshepa kwešišo ya ka ya Lengwalo, ke tla tla tlase le kopano feels le lena batho ba nnoši bao le nago dimpho tše, feels le lena bohole, gore re kgone go dula mmogo... Gomme ge le ikwela... Gomme lena šetšang, Ngwanešu Neville, gomme le bone ka kerekeng, gore ke Modimo gomme Modimo a sepela magareng ga bona, seo ke se re se nyakago, eupša re nyaka go bea seo ka lenaneo gore se kgone go ya go šegofatša kereke le go dira se sengwe. Ke e hweditše, ke a tseba, le go tseba Mangwalo, gore re dire eng. Gomme seo ke se re nyakago go se dira.

¹³² Bjale, motho yo fa, ke a tseba go boleleng ka maleme, go swanetše go ba, e dire ka tlthatlamano, pedi, goba e sego bontši go feta tharo. Yeo e nepile, eupša ge le ka hlokomela fa, ge ebe e...

¹³³ Feela boka yo mongwe a ineela—godimo fale... Boka Ngwanešu Sothmann a tsogile le go fa molaetsa ka seprofeto goba go bolela ka maleme. Tlhathollo ya maleme ke seprofeto, le a bona, moya wa seprofeto. Bjale, ge o no bolela ka maleme a go se tsebjie, ga go na mohlatholli, motho yoo o šegofaditšwe ka Moya, eupša ga a gobatše kereke.

¹³⁴ Bjale, se Paulo a bego a leka go fihla go sona ke se, “Le šomiša tirelo ka moka feels go bolela ka maleme, le a bona, gomme moserutege o rile, ‘Se—se ka ga eng, go le bjalo?’” Le a bona, ga ba e hwetše eupša go na le tlhathollo. Gomme a go be le... be le o tee, ba babedi, goba bontši bjalo ka melaetsa ye meraro ka kopanong.

¹³⁵ Bjale, motho mo o re, “Gona ka mothalong wa thapelo?” Seo se swanetše go ba e bile gore mohlomongwe yo mongwe mo mothalong wa thapelo... Mohlomongwe, Ngwanešu Neville, goba ka kerekeng tsoko ye nngwe goba e ka ba kae e tšwago, gore ka mothalong wa thapelo monna yo... goba ka go dikopano tše Kgethwa tša phodišo, a ka no ba a be a le ka kopanong ya Ngwanešu Roberts, Kopano ya Ngwanešu Allen, goba ba bangwe, ka kopanong ya ka goba yo mongwe gape, ga ke tsebe.

Eupša, e ka ba eng e lego, se Paulo a bolelago ka sona ke molaetša go phuthego ntle kua, "A seo e no ba tše tharo," ka gobane molaetša wa Modimo o bolela molaetša go leka go o tliša godimo go phuthego. Eupša ge monna ka mothalong wa thapelo, o profeta go motho ka motho, e sego ka moka. Ge go le bjalo, ke tšwile lenaneong gohle go bapa ka mothalong wa ka wa thapelo, le a bona, ge masometharo goba masomenne a bona mo bošegong? Le a bona, ge o profeta go motho ka motho.

¹³⁶ Eupša monna yo a profetago ke go mmele ka moka, anke woo e be melaetša ye mebedi goba ye meraro gomme morago wa o emiša. Le ge Moya wo Mokgethwa o ka no fele o sa nyaka go bolela, eupša ema motsotso, efa Lentšu sebaka go ya ntle. Le a bona? Gomme ka gona, ka nnete, go bolela fao e swanetše go ba pele goba morago ga Lentšu, ga go selo se ka tsenatsenago Lentšu ge Le eya ntle. Eupša, go le bjalo, re bea seo ka lenaneo moragwana ge meboya ya rena le dimpho di thoma go tsena phethagalang.

¹³⁷ Re bolela bjale ka—ka go hlokofala ga Kereke ya pentecostal, ke ra Kereke ya kgonthe ya pentecostal. Gomme re thakgetše gore Modimo o sa phela le go rena le go bolela le rena.

¹³⁸ Bjale, eupša ge go le boka, mohlala, ge kgaetšedi fa a ka re fa molaetša ka maleme goba seprofeto, gomme mohumagadi kgauswi le yena o tla fa molaetša ka maleme goba seprofeto, gomme ka gona mohumagadi kgauswi le yena goba yo mongwe morago kua, yo mongwe o tla fa molaetša goba seprofeto, goba maleme. Ga go pelaelo eupša se e no ba sohle go bolela ka selo sa go swana, ge Modimo a le tšhoganetšo, a leka go bea se sengwe godimo, a bitša motho ka motho yo mongwe ka kerekeng go dira se sengwe, bjale, goba se sengwe seo A nyakago se dirwa.

¹³⁹ Bjale gona, mohlala, mothalo wa thapelo o biditšwe, gomme Ngwanešu Neville goba nnamong goba modiredi e ka ba ofe yo mongwe o ya tlase go motho ka motho yo, seo ga se go mmele, ke go motho ka motho yo. Gomme Moya wa Modimo o tla godimo ga gagwe go botša motho ka motho se sengwe, gona mmotše, gobane ga a bolele le phuthego. O bolela le motho ka motho yo, e sego go phuthego, kafao seo se lokile.

149. Go lokile, Morategi Ngwanešu Branham, nako ka morago ga nako Morena o mpontšha dilo ka ditoro. O ntaeditše dilo ka morwa wa ka ka sešoleng sa lewatle, tše morwa wa ka a mpoditšego e be e le "diphiri". O mpontšhitše ka lehu la batho le ka diphiri tša dipelo tša batho. A ye ke mpho go tšwa go Modimo? Ge A ntaetsa go ditoro dipelo le menagano ya batho, se sengwe le se sengwe ka mehla se tšweletše boka toro e mpontšha.

¹⁴⁰ Gobaneng, ee, ngwanešu goba kgaetšedi, e ka ba mang a ka bago. Morena a go šegofatše. Yeo ke, go kgopoloy a ka, mpho ya Modimo. Ke mpho ya Modimo. A ga o tsebe Beibele e bolela ka

ditoro? Josefa, ka fao a lorilego ditoro le go hlatholla, le ka fao ba bangwe ba lorilego ditoro. Dilo tseo ke tša Modimo. Bjale, ge e le ya Modimo, ka mehla e tla ba therešo, ka mehla e tla direga feela tlwa ka tsela ye A boletšego.

¹⁴¹ Gomme bjale le se ke... Ge o thoma go bogwa ka yona, e tla no go tlogela. Le a bona, e no ba tlhomphokgolo le bose. Gomme ge A go bontšha e ka ba eng, gomme ke se sengwe seo o swanetšego go botša yo mongwe, gore ba dirile se sengwe seo se fošagetšego, gona o se ke wa no ema thwi godimo le go kgalema motho yoo, eya go bona ka bowena gomme o re, "Kgaetšedi, ngwanešu, o a tseba, Morena o mpoditše bošego bjo bongwe gore—gore o be o dira se sengwe sa phošo, selo se *rilego*."

¹⁴² Ge motho yoo a re, "O phošo! Ao ke maaka! Ga se ka dira seo!"

¹⁴³ Bjale, selo go dira gona ke go ya morago le go re, "Tate wa Legodimong, a seo se be se fošagetše?"

¹⁴⁴ Bjale, ge motho yola... Gona ge motho yoo a be a go botša thereso, gona o ne moyo wa go fošagala. Eupša ge motho yola a be a aketša, gomme o e dirile, Modimo o tlamekamekana le motho yoo. Le a bona? Ee, mohlomphegi. Gobane, le a bona, se a se dirilego kua, o rogakile kgahlanong le Moya wo Mokgethwa, a gana se Moya wo Mokgethwa o se bileditšego go šedi ya gagwe. Le bona fa? Kafao ke selo sa phošo.

150. Ngwanešu Branham, ke—ke kereke e ka kgonega bjang go bina, go goelela, go bolela ka maleme, le go dumelala Moya... (a re boneng, bjale emang motsotsotso)... gomme ya sobeleta ka Moyeng, gomme gwa se tsoge nako e ka ba efe Lengwalo le balwa. Ga ke e kwešiše.

¹⁴⁵ Le mna ga ke dire; le a bona, "go goelela, go bina, go bolela ka maleme, gomme ebile ya se bale Lengwalo." Ke—ke—ke bolela se, elelwa, William Branham, yo a ka bago milione wa dimaele ka phošong. Ke a dumela gore bontšintši bja batho... ke botšišitšwe potšišo yeo lehono ke ngwanešu, se sengwe ka mokgwa woo. Gore, ge ba eya go rapeleta balwetši, ngwanešu mohlomongwe o tla rapeleta yo motee, gona ba dire bohole go opela goba go bina ka Moya, ba nagana seo se tliša maatla magareng ga batho. Aowa, nna—nna kabonna, ke a dumela seo se fošagetše.

¹⁴⁶ Ke a dumela gore motho yo a tlago ka kopanong ya phodišo o tla swana le go tlela phološo, a tla ka tlhomphokgolo, a dumela. Motho yo mongwe le yo mongwe ka fale, a sa goelele le go bina, eupša go boneng ngwanabobo goba kgaetšedi a eya godimo kua go kgopela Modimo kgaogelo, o inamiša hlogo ya gago gomme o thome go rapela, "Modimo, thuša ngwanešu wa ka bjale ge modiša a mo rapeleta, a mo tlotsa. A nke Moya wo Mokgethwa o tle godimo ga gagwe le go mo fa tumelo go dumela bakeng sa phodišo ya gagwe. Ke ngwanešu yo bohlokwa. Ke kgaetšedi

yo bohlokwa." E ba go mo rapelela sebakeng sa go no opela, go goeletša le go bina.

¹⁴⁷ Eupša re bona bontsi kudu bja seo ka go dikopano tša rena tša Pentecostal, ke kgafetšakgafetša... ke a dumela ke thapelo, ka therešo ke a dumela ba rapela Modimo. Ee, mohlomphegi. Ke e dumela ka pelo ya ka yohle. Gomme ke dumela go go boleleng ka maleme, go goelela le go bina. Gomme ke e dumela nthatana ye nngwe le ye nngwe, ee. Ke dumela e ka ba eng yeo ba e dirago ka Beibeleng e no ba ye botse lehono bjalo ka ge e bile nako yela, kgonthe, eupša ke a dumela e na le nako ya yona le lenaneo la yona.

¹⁴⁸ Bjale, ge tšhegofatšo ye kgolo e kgatlampana, gomme batho ba goeletša, gomme letago la Morena le e wa, gomme batho ba nyaka go goelela le go goeletša le go dira e ka ba eng Moya o ba botšago. Eyang pele, yeo ke nnete. Eupša ge monna a etla go fodišwa, moo potšišo gare ga lehu le bophelo e amegago, ke a dumela re swanetše go ba tlhomphokgolo le go bolela le Tate le go bolela le Yena bakeng sa ngwanešu yo. Go na le gore re Mo rapele, a re Mo kgopeleng, "Tate, ke nna—ke nna morapedi wa Gago. Ke a Go rata, O a tseba ke a dira, ke hlagiša lerato la ka go Wena. Bjale ke hlagiša tumelo ya ka go Wena, thuša ngwanešu wa ka go fola. A O tla dira, Tate?" Ke a dumela le tla hwetša dipuelo tše kaonana ka go dira seo. Ka kgonthe ke a dira. Ka tlhomphokgolo, Moya wa Modimo.

¹⁴⁹ Nna, tše di ka no ba dimaele tše lekgolo botelele eupša ke a holofela ke di arabile, go notlelwa feela nthatana ye nnyane ya Seetša. Ke mohuta wa go tseba se se lego megopolong ya lena bjale, golebjalo. Gomme ke tla le botša eng, moragwana gannyane ke nyaka go kgopela modiša fa ge a ka tla le go nthuša go... mohlomongwe o tla tlase le go tlisa batho bohle mmogo bao ba nago le Moya wa Modimo godimo ga bona ka sebopego sa dimpho, a re boleleng ka yona lebakana. Mohlomongwe nka kgona go le thuša go namelela lelere godingwana gannyane nthatana feela le go batamela kgauswana le Modimo gannyane ka yona, le go e bea kutšwana ka lenaneo ka kerekeng. Ke be ke šeditše go bapa, go bonala go makatša go nna. Gomme ke no rata go e bona e sepelela pele le pele, le pele le pele.

¹⁵⁰ Gomme ge re etla godimo, le se dumelele Sathane go khukhunetša ka gare, bjale. Šaatena, ke setswerere. Mmm. O se leke go mo radia, o se leke go dira, gobane o ka se kgone. E no itshama ka Modimo gomme o no tswelapele o sepela ka go kokobela gomme Modimo o tla e dira, gomme o tla hwetša gore Modimo o tla go šomiša go feta le go feta le go feta ka mokgwa woo. Morena a le šegofatše.

¹⁵¹ A re na le nako ya metsotso ye masomepedi ya go bolela? [Ngwanešu Ben Bryant o re, "Amene!"—Mor.] Ke a go leboga.

Ke a go leboga. Ke a thanka e be e le mo go lekanego go nthoma, Ben. Go lokile.

¹⁵² A re phetleng go Dipesaleme nakwana feela. Morena o bonagetše a mpha kgopolo ye nnyane fa ke tla ratago go e hlagiša go lena bohole bošegong bjo feela ka mokgwa wa ther, ge le rata, feela—feela metsots e se mekae. Ke a tseba go a fiša, gomme go a fiša godimo mo, le gona. Eupša, elelwang, re ka se sa kopana gape, mohlomongwe, go fihla Laboraro bošego. Kafao a re nong go leta gomme—gomme pele re opela pina ye botse ya kgale ya *Tšhegofatšo E Be Setlemi Se Se Tlemaganyago*, a re—a re boleleng ka le—le Lentšu le le ngwadilwego. Dipotšišo tše di mohuta wa go re dira... go re tlogela ka setšhung. A re—a re tšweleng ntla ga sona bjale, gomme—gomme re bolele ka Lentšung.

Bjale re ka kcona go inamiša dihlogo tša ren a gape nakwana feela.

¹⁵³ Tate wa Legodimong, dipotšišo tše, ke lekile go hwetša se batho ba nago le sona godimo ga dipelo tša bona, go bona ge eba ba tla botšiša ka *se*, ka *selo*. Ke a bona, Morena, ba kganyoga dimpho tša semoya. Gomme bao ba nago le dimpho tša semoya ba makala ba e diriše bjang. Go ba bangwe, e lahlela Seetša se segolo godimo ga kereke; go ba bangwe ba a makala. Bjale, Morena, re thuše. Re thuše, Morena. Ke ren a bana ba Gago. Ga re dire dilo tše go hlompha renabeng, re dira se go tlhompho ya Modimo ka mpho ye Modimo a re filego yona.

¹⁵⁴ Re a rapela, Tate, gore O tla šegofatša dimpho tše le go di bonagatša ka kerekeng. Gomme a nke go tle go phethega gore baeti le basetsebje, ba ba tlagu kgauswi, bao ba rothelago ka lebating lela le go dula fase metsots e se mekae, gomme a nke Moya wa Modimo o be wo mogolo kudu ka fa go fihla o tla dira go tsebja sephiri sa pelo ye nngwe le ye nngwe yeo e tsenago mojako. E fe, Morena. A nke e be ka bobose bjo bo bjalo le go kokobela, e sego ka go kgareetša le go kgalema le go kgeretlanya. Re a tseba Moya wa Modimo ga o ka mokgwa woo.

¹⁵⁵ Kafao re rapela gore O tla re šegofatša ka se sengwe le se sengwe. Šegofatša kereke ya ren a, šegofatša batho ba ren a. Šegofatša batho ba dikereke tše dingwe. Gomme, Tate, re a tseba gore go ne Kereke e tee feela gomme bohole re tswaletšwe ka go Yeo.

¹⁵⁶ Bjale ke a rapela, Tate, gore O tla re šegofatša go ya pejana ge ke bala sehlogo se sennyane se seo O bonagetšego go mpha, ke dutše fale tesekeng morago ga sekalela se. Gomme nthuše, Morena, e sego go swarelela batho botelele kudu, eupša go no bolela ditlhagišo di se kae fa. Ke a rapela gore O tla ba ka go sona. Gomme re fe mogopolo wo monnyane, gore re kgone go ya gae le wona gomme re leboge Morena bakeng sa botho bja Gagwe. Re kgopela ka Leina la Jesu. Amene.

¹⁵⁷ Bjale, le se lebale, Lamorena la go latela mosong, Morena ge a rata.

¹⁵⁸ Bjale phetlang go Dipesaleme 106, gomme temana ya 7. Ke be ke eya go bala go theoga, seripana... karolo ya Pesaleme ye. Eupša, ke Dafida. Gobaneng e etla go nna, e bile ka lebaka la molaetša wa mosong wo. Gomme, ke tla hwetša sešupanako sa ka mo le go leka go tšwa ka senyane masometharo, ge gohle go kgonega. Bjale go temana ya 7 ya Pesaleme 106.

*Botatawešo ga se ba kwešiše matete a gago ka
Egepeta; ga se ba elelwe bontšintši bja dikgaogelo tša
gago; eupša ba mo rumotše lewatleng, ebile... lewatle
le Lehubedu.*

¹⁵⁹ Ke ya go bala temana ya go latela.

*Le ge go le bjalo o ba pholositše ka lebaka la leina
la gagwe, gore a ke a dire maatla a gagwe a maatla go
tsebja.*

Morena a oketše ditšhegofatšo tša Gagwe.

¹⁶⁰ Ke ya go bolela le lena, ge Morena a rata, ka thuto ya *go se kwešiše*; Modimo, a sa kwešišwe. Ke tla e tsea ka mokgwa woo: *Modimo A Sa Kwešišwe*.

¹⁶¹ Le a tseba, go se kwešiše go re tliša ka bothateng bjo bontši. Makga a mantši gore batho ba bolela dilo tše ba di bušeletsago ka morago ga yo mongwe gape, moo, ba sego ba ba kwešiša. Seo se tliša motho bothateng. Ke a dumela go tla ba gabotse go rena ge re ka no, gabotse, ra leta go fihla re kwešištše se re bego re bolela ka sona. A ga le nagane bjalo? Ke a tseba e tla ba, go nna, ye botse kudu go nna go hwetša pele gomme ka gona ke e bolela. Le a bona? Eupša ka mehla re, go bonala go ba, ga se ra kwešiša. Gomme mo Dafida o bolela ka Israele, ga se ya kwešiša mehlolo ya Gagwe ge ba be ba le ka Egepeta.

¹⁶² Bjale, go se kwešiše ga e no ba go re, “Gabotse, ga se ke kwe se a se boletšego,” eupša go bona se sengwe se dirwa le go se kwešiše *se ka lebaka la eng*. Se ke... Seo ke, o šeiwa ke sekepe, gohle go felela nako yeo.

¹⁶³ Bjale, Modimo ga a dire mehlolo go no re, “Le a bona, Ke nna Modimo.” Modimo o dira mohlolo bakeng sa kwešišo. Le a bona? Modimo o e dira bakeng sa morero. Gomme a le hlokometše palo ya Pesaleme fa ka go temana ye ya 7? Ke nagana gore ke ye botse kudu, ke nyaka go e bala godimo gape.

*Botatawešu ga se ba kwešiše matete a gago ka
Egepeta, (le a bona, ga se ba a kwešiša)... ga se ba
elelwe bontšintši bja dikgaogelo tša gago; eupša ba mo
rumotše lewatleng, ebile... lewatle le Lehubedu.*

*Le ge go le bjalo o ba pholositše ka lebaka la leina
la gagwe, gore a ke a dire maatla a gagwe a maatla go
tsebja.*

¹⁶⁴ Le a bona, ga se ba kwešiše gobaneng gore Modimo, tlase ka Egepeta, a dirile mehlolo ye. O be a leka go ba laetša dikgaogelo tša Gagwe. O be a leka go ba dira gore ba kwešiše gore O be a le Modimo magareng ga bona. Ke rata seo.

¹⁶⁵ Ka go theroyaka ye nnyane yeo ke e rerilego fa nako ye nngwe ya go feta, godimo ka Chicago, gomme ka gona ke a dumela ke e rerile mo, bašemane ba na le yona godimo ga theipi, *Ge Ntšhu E Hlatha Sehlaga*, e phaphasela godimo ga mafotwana a gagwe. Ka fao mme ntšhu wa kgale a tšeago masea a gagwe a mannyane... Pele a ba tšeago fofa, a na le mafofa a go hlepha ka go ona. Gomme ga se ba ke ba tsoge ba mmona ka kgontha bokaonekaone bja gagwe gobane bohle ba kwatamile fase ka sehlageng. Eupša o ya godimo ka kua ga sehlaga gomme o phatlalatša diphego tša gagwe tše kgolo tše maatla. O dira eng? O a goelela, o nyaka ba tsebe segalontšu sa gagwe. O otlollla diphego tša gagwe tše kgolo.

¹⁶⁶ Ntšhu ya tshadi dinako tše dingwe ke ye kgolokgolo. Ba boletše gore dintšhu nako ye nngwe, tšona ditshadi tše kgolo, di na le diphego dikgato tše lesomenne go tloga ntlheng go ya ntlheng, di topa namane gomme tša fofa ka yona. Dikgato tše lesomenne, ntlha go tloga ntlheng; diphego, bokgole bjo go kgabaganyago sefala se thwi mo, go tloga koteng go ya koteng.

¹⁶⁷ O ya godimo kua pele ga moisa yo monnyane yo, ka gore gobaneng? O ya go mo tšeago fofa. Ga se nke a ke a tšwa go sehlaga sela. Gomme o ya go mo tšeago tsela godimo ka magodimong gomme ka gona a mo hlochlora, gomme o mo tlogela godimo kua go phaphasela ka boyenamong, go ithuta mokgwa wa go fofa. Kafao o nyaka go bontšha maatlataolo a nago nao. O phatlalatša pele mafego a gagwe a magolo go hlochlora mafofa, gomme o a goelela, gomme o a a fothela. Oo, nna! Mafofa a fofa go tšwa sehlageng, le se sengwe le se sengwe gape, o lahlela phefo ka fale boka ntle ga sefofane sa tšete. O mo rotlela morago, gomme o robala godimo ga mokokotlo wa gagwe wo monnyane, gomme o lebelela godimo le go nagana, "Mme, o yo mogolo gakaakang! O yo mogolo gakaakang!"

¹⁶⁸ "O bona ka fao diphego tša ka di lego go tia? Nka kgona go go topela godimo gomme ka go rwalela kae kapa kae ke nyakago. Ke na le maatla!"

¹⁶⁹ Gomme seo ke se Modimo a bego a se dira go Israele. Le a tseba, O rile, "Bjalo ka ge ntšhu e hlatha sehlaga sa yona," seo ke selo sa go swana. O hweditše Israele ka go naga ya go ngautša tlase kua, gomme O mo tlišitše godimo go tšwa Egepeta le go mo tšeela ka nageng ya tshepišo, godimo ga mafego a ntšhu. Le a bona? Gomme Modimo o be a direlang mehlolo ye? O be a leka go fihla go batho ba Gagwe gore O be a le Jehofa yo maatla.

¹⁷⁰ Gomme seo ke se A lekago go se dira lehono! O no se fodiše batho feela gobane A ka fodiša. O leka go tliša go lena gore Yena

ke Tsogo, gore A ka kgona go le dira le fole, A ka kgona go tsoša mmele wa gago. A ka kgona go dira e ka ba eng A nyakago, ke Yena Jehofa! Ke rata seo.

¹⁷¹ Eupša batho ga se ba Mo kwešiša. Modimo o bonolo kudu go se kwešišwe ke basedumele, ke bale ba sa nyakego go kwešiša. (Batho ba bantsi ba leka go kwešiša.) Ba bantsi ga ba nyake go kwešiša, ba no homola bonabeng, le go re, “Ga go selo se sebjalo,” gomme “ga ke dumele ka go se sebjalo.” Gona ba ka se tsoge ba kwešiša.

¹⁷² Eupša monna yo a ratago go kwešiša, yo a ratago go dula fase (“Gomme etlang a re faneng mabaka mmogo,” go rialo Morena) bjale, monna yola o—o mo mothalong wa go ithuta se sengwe go tšwa go Morena. Eupša batho bao ka mehla ba amanago le Modimo le maatla a Modimo... Le ka se kgone go amana le Modimo ntle le go amana le maatla a Gagwe, ka gobane ge o amana le Yena o tlwaelane le Yena, goba leloko go Yena, gomme ka gona o na le maatla a Gagwe ka go wena.

¹⁷³ Ke ka lebaka leo batho ba sa kgonego go dumela mehlolo lehono, ka gobane ga ba ne e ka ba eng ka go bona go dumela ka yona. Ba swanetše go ba le se sengwe ka fale go dumela ka sona. Gomme ge Moya wa Modimo o le ka go motho, o tla re “amene” go Lentšu le lengwe le le lengwe la Modimo le mohlolo wo mongwe le wo mongwe wa Modimo. Eupša bjalo ka ge mme wa ka a be a fela a re, “O ka se hwetše madi go tšwa go tenipi, gobane ga go ne madi ka go yona.” Kafao yeo ke tsela ya go swana, o ka se kgone go hwetša tumelo go tšwa go mosedumele, gobane ga se gona fao go dumela ka sona.

¹⁷⁴ Monna o rile, “Ga ke dumele go phodišo Kgethwa, ga go kgathale se o tla se bolelago.” Nnete, ga se ya gagwe, ke feela go bao ba kgonago go dumela. Ge o eya go hwetša madi, a hwetše go tšwa go se sengwe seo se nago le madi ka go sona. Ge o eya go hwetša tumelo, e hwetše ga se sengwe seo se nago le tumelo ka go sona.

¹⁷⁵ Gomme yeo ke tsela, Modimo o šomiša se sengwe seo se nago tumelo ka go sona. Ga A go romele ntle mo ka lesolong la phodišo ge o se na le tumelo go lekanelo go e dumela. O ya go go romela bjang ntle ka go tsošeletšo ya go dira mohlolo ge o se ne tumelo go lekanelo go e dumela? O nyaka se sengwe seo se nago le se sengwe ka fale seo A kago go tšweletša se sengwe ka sona. Kafao batho ba ga se ba kwešiša.

¹⁷⁶ Noage o be a sa kwešišwe kudu ka letšatšing la gagwe. Noage, wa go tsebana le Modimo, mohlanka wa Modimo, modumedi ka go Modimo. Gomme ge o eba modumedi ka go Modimo o dira dilo kgahlanong kudu le se batho ba naganago gore se lokile go fihla ba nagana gore o a gafa. Gomme Noage, a seboditšwe ke Modimo, o lokišeditše areka go phološeng lapa la gagwe. Gomme batho ba naganne gore o be a gafa. O be a sa gafe,

o be a no se kwešišwe gobane o be a latela tšhupetšo ya Modimo. Amene! Ke rata seo. O be a sa kwešišwe.

¹⁷⁷ “Monna a ka kgona bjang, go le bjalo . . .” O re, “Fao ga se gwa ke gwa tsoge gwa ba pula ye e tšwago mafaufaung. Na pula ke eng?” Ga se nke gwa ba le pula, Modimo o nošeditše mobu. “Noage, pula yela e kae?”

“Ga ke tsebe.”

“Mpontšhe mo e lego!” “Nka se kgone go go bontšha yona.”

¹⁷⁸ “Gabotse, o tseba bjang e ya go tla tlase go tšwa godimo kua ge go se le e tee godimo kua go tla fase?”

¹⁷⁹ Noage a ka no ba a boletše se sengwe boka se, “Modimo o mpoditše e be e etla fase. Gomme ge Modimo a rile ‘e tla fase,’ O kgona go e tseela godimo kua gomme ka gona a e tliša fase.” Kafao seo—seo se e rumme. Ge Modimo a boletše bjalo, ke sohle se lego go yona. Le a bona? O be a sa kwešišwe gobane o be a latela Modimo.

¹⁸⁰ Eliya. Nka kgona go dula godimo ga dihlogo tše nako ye telele, eupša ke na le ba mmalwa ba bona mo ke tla ratago go tla go bona ka pela. Eliya o ile a se kwešišwe ke setšhaba sa gagwe. Eliya o be a le Moisraele, o be a le Mojuda, gomme o be a sa kwešišwe gobane ka mehla o be a sola setšhaba sa gagwe, a sola kgoši, a sola kgošigadi, a sola se sengwe le se sengwe se bego se le tikologong. Gomme a ba sola! A lenga le bego le bonala go ba lona. Gobaneng, nna, se sengwe le se sengwe, ke: “Kgoši, O RIALO MORENA. Modimo o ya go go otla; wena, Isebele; wena, *semangmang*.”

¹⁸¹ O be a sa kwešišwe. Gobaneng? O be a latela Modimo. E be e se Eliya ba bego ba sa mo kwešiše, e be e le mošomo wa Moya wo Mokgethwa ka go Eliya wo ba bego ba sa o kwešiše.

¹⁸² Monna a ka kgona bjang go tsogela godimo kgahlanong le setšhaba sa gabon? A rogaka setšhaba sa gabon, a se phošolla, gomme a bea dithogako tša Modimo godimo ga sona, sona setšhaba, bona batho bao a phetšego le bona. Moloko wa gagwe mong, mmala wa gagwe mong, mohlobo wa gagwe mong, mohuta wa gagwe mong, gomme efela a akanyetšapele dikahlolo tša Modimo le go bitša tlala godimo ga bona. O be a sa kwešišwe, gobane e be e se Eliya, e be e le Modimo ka go Eliya yo ba bego ba sa mo kwešiše. E be e se Eliya a sa kwešišwego, e be e le Modimo a hlahlago Eliya, gomme ba be ba sa kwesiše gore Modimo o be a le Modimo yo Mokgethwa gomme ga A kgone go kgotlelela sebe.

¹⁸³ Gomme ga go kgathale ge eba se godimo ga ngwaneno, kgaetšedi, goba mme, ga go kgathale ke mang, ke sebe pele ga Modimo gomme kahlolo e tla tla godimo ga bona bakeng sa sona. Ga se ba kwešiša.

¹⁸⁴ Daniele ga se a kwešišwe ge bohle ba bana ka moka ba Israele ba kwatamela seswantšho, eupša yena le Sadirake le Meshaka le

Abedinego ba ganne go kwatama fase. Gabotse, ba rile, "Bothata ke eng ka yena?" Setšhaba ka moka se rile, "Bothata ke eng ka moisa yo wa go gafa? Gabotse, ka moka bohole ba Bahebere ba lemoga modimo wa rena, ba a o lemoga, ba k watama fase ge re letša diphalafala, gomme re galagatša diphalafala le go bapala dipesaleme, le go ya pele, le go galagatša diflute. Bohle ba k watame fase, eupša bothata ke eng ka lenga le? Bothata ke eng ka yena, a ka se e dire?" Gobane o be a kgomane le Modimo! Seo ke se e lego taba. O be a sa kwešišwe. O be a swanetše go ba segafa, goba o lahlegetšwe ke monagano wa gagwe, goba e be e le mokgobo wa mekerenko. Eupša ba be ba latela feela tlhahlo ya Moya. Ke ka baka leo ba ilego ba se kwešišwe.

¹⁸⁵ Baprofeta bohole ba Testamente ya Kgale, ka fao ba tsogetšego godimo le go profeta kgahlanong le setšhaba sa bona, ka fao ba profetilego kgahlanong le batho, ka fao ba profetilego kgahlanong le selo, go bea dithogako godimo ga bona, le go dira dilo boka tše. Ga se ba kwešiše. Gobaneng? Ba be ba le bahlanka ba Modimo, ba be ba dira thato ya Modimo, ba be ba dira tirelo ya Modimo, kagona ba ile ba se kwešišwe.

¹⁸⁶ Gomme mang kapa mang yo a latelago Modimo ga se a kwešišwe. Jesu, Morena wa rena, ge tswalo ya Gagwe, O be a sa kwešišwe.

¹⁸⁷ Sehlalefi, ba be ba sa kwešišwe, ba be ba latela leswao la kagodimogatlhago go hwetša Kgoši ye e bego e tswetšwego e le Kgoši ya Bajuda. Ba tsebile go be go le Naledi ye e tsogago go tswa go Jakobo, go ya ka diprofeto tša Daniele. Gomme ba tsebile Kgoši ye e be e tla ba Mophološi, O be a tla ba Kgoši ya Israele. Gomme ba tlie mengwaga ye mebedi, tsela yohle go tswa India, go theoga ka Noka Tigris, le go kgabaganya maganata le go kgabola dithaba, mogohle, le go tla ka toropongkgolo ya Jerusalema mantšiboa a mangwe e ka ba tšatšanasobela, ba goelela, "O kae Yo a tswetšwego Kgoši ya Bajuda? O kae Yena?"

¹⁸⁸ Gomme ga go yo a tsebilego selo ka yona. E be e le selo sa go tlabo gore Kgoši ya Bajuda e be e belegwe gomme batho makgolo a dimaele kgole ba tsebile ka ga yona; gomme thwi fa ka toropongkgolo moo A bego a tswetšwe, le lefelong le A bego a tswetšwe, ka magareng ga batho ba A bego a tswetšwe go bona, gomme ba be ba sa tsebe selo ka yona. Ga se ba kwešiše Sehlalefi. Ba rile, "Ga go na selo se bjalo ka Kgoši ya Bajuda. Re ne kgoši godimo fa, Herode."

¹⁸⁹ O be a sa kwešišwe ka tswalang ya Gagwe ge A tswalwa. Gomme Maria o be a swanetše go ba mme pele a nyalwa ke Josefa. Ga se ba kwešiše. Ba naganne O belegwe ka nt le ga lenyalo le lekgethwa, ba be ba sa tsebe gore Moya wo Mokgethwa o imile ngwana yo ka go yena. Eupša e be e sa kwešišwe. E be e le tiro ya Modimo gomme batho ba se e kwešiše.

¹⁹⁰ Ba sa ntše ba sa E kwešiše, tiro ya Modimo gantši ga e kwešišwe.

¹⁹¹ Ke feela batho ba go dumela semoya, batho ba ba dumelago Moya. Eupša e be e sa kwešišwe, Sehlalefi se be se sa kwešišwe.

¹⁹² Herode ga se a e kwešiše. Ge Herode a rile, “Gabotse, le mpotše moo lesea le lego, gomme ke tla ya go mo rapela, le nna.” O be a le moikaketsi, o be a aketša. Se a bego a se boifa... O be a sa tsebe Mangwalo gore go be go swanetše go ba Mesia a etla, Kgoši ya Legodimo. Gomme Herode o naganne e be e tla ba kgoši ya lefaseng, gomme o nyakile go Mmolaya go Mo fediša.

¹⁹³ E be e se kgoši ya lefase, O rile lefase le ga se mmušo wa Gagwe, “Ge wo e be e le mmušo wa Ka bahlanka ba Ka ba be ba tla Ntwela, eupša Mmušo wa Ka ke wa godimo.” Herode ga se a kwešiša, o naganne e be e le kgoši ya lefaseng.

¹⁹⁴ Yeo ke tsela ye ba bolelago lehono, “O wa kereke efe ge o le Mokriste? Kerekeleina efe?”

“Ga e gona!”

¹⁹⁵ Ga ba e hwetše. Le a bona, ga ba kgone go e kwešiša. Ba naganan *kerekeleina* e ra “Mokriste.” Ke pele ka morago, kudu bjalo. Eupša ga e kwešišwe ke batho.

¹⁹⁶ Bjale, re hwetša gore Herode ga se a E kwešiša, ga se a kgone go E kwešiša.

¹⁹⁷ Nikodemo ga se a ke a kgona go e kwišiša, Tswalo ye mpsha, ge a tlide go Jesu bošego. Yo mongwe o ile a mo sola. Ga ke mo sole. O be a le monna wa go loka, o nyakile go hwetša se sengwe. O be a le matasatasa go kgabola letšatši, mohlomongwe o be a le ofising ya moprista wa gagwe, goba se sengwe gape, o ile a swanelo go tla bošego. Go le bjalo, o fihlile fale, o dirile bokaonana kudu go phala bontši bja batho ba dira bjale. Ba ka se tle mosegare goba bošego. Mafelelong o fihlile; pele le mo sola, a le dirile? Mafelelong o fihlile go Jesu, gomme a nke re se mo sole ge eba *re* se ra ke ra ba fao. Gomme ge o fihla fao, gona ga ke nagane gore o tla mo sola. Aowa, o—o fihlile fale. Gomme o tlide bošego, gomme mohlomongwe o be a le matasatasa. Go le bjalo, o tlide. Mohlomongwe Jesu o be a le matasatasa kudu ntle a rapelela balwetši le dilo, nako e nnoši a kgognego go Mo swara bakeng sa poledišanonyakišo ye e be e tla ba nakong ya bošego. Eupša mafelelong o fihlile kua, o dutše fale go fihla a hwetša poledišanonyakišo le Jesu. Gomme ge Jesu a rile... O—o rile, “Rabi, re a tseba gore O Monna yo a rometšwego go tšwa go Modimo, ka gore ga go motho a kgonago go dira dilo tše tše O di dirago ntle le ge Modimo a na le Yena.”

¹⁹⁸ Jesu o rile, “Ntle le ge motho a ka tswalwa gape a ka se kgone go tsena Mmušong, ebile e sego go bona Mmušo.”

¹⁹⁹ Gomme rabi yo mogolo, makgone ka go Israele, o rile, “Nna, mokgalabje, go tsena ka dipopelong tša mme wa ka le go tswalwa

gape?" Le a bona, ga se a kwešiše seo Jesu a bego a bolela ka sona, o nno se e hwetše. Ka baka la gore Jesu o be a bolela ka Tswalo ya semoya, gomme o be a leka go e šomiša go tswalo ya tlhago. Kafao ga se a Mo kwešiša, ga se a e hwetša. O nno...ka tsela ye batho ba dirago. Go no swana le Nikodemo, ba bantši ba rena ga re kwešiše dilo tša Modimo ka gore re no e tšea gomme ra e šomiša go selo sa tlhago.

²⁰⁰ Boka, o re, ngaka e re, "Oo, ga ke dumele go phodišo Kgethwa. Ga ke dumele go ne e ka ba eng."

²⁰¹ Ke kwele ngaka a botša mosadi ka ofising nako ye nngwe, o rile...Gomme o be a sa tsebe...O nyakile go tseba se se diregilego ka sehloga se a bego a na le sona. O rile, "Ngwanešu Branham o nthapeletše gomme Morena a mphodiša."

²⁰² O rile, "Ga ke e dumele." O rile, "Nka se tsoge—nka se kgone go tsoge ka dumela e ka ba eng boka seo." O rile, "Mpotšeng ke mang a se tlošitšego."

O rile, "Hwetša lebadí."

O rile, "O beile eng godimo ga lona?"

²⁰³ O rile, "Ga go selo, le gatee." O rile, "O nno mpitša ka kopanong gomme selo se tlogile."

²⁰⁴ Gomme ke be ke dutše thwi ka kamoreng ye e latelago, yeo ke nnete, ke dutše thwi ka kamoreng ye e latelago, ke theeditše. O be a sa tsebe ke be ke le ka kua. Gomme o be a sa tsebe gore ke be ke le ka kua, ka baka la gore ebile o be a sa ntsebe, le a bona. Gomme ke be ke dutše fale. Gomme o rile...Ke be ke tšeetše yo mongwe gape ofising ya ngaka. Yeo ke nnete tlwa. Gomme ke nno nyaka go kwa se a se boletšego. Ke hweditše—ke hweditše molwetši gomme ka tšwela ntle ga fao ge ke hwetša seo, gore o be a sa dumele.

²⁰⁵ Kafao o rile, "Ga ke dumele lentšu le tee la yona." O rile, "Ga se ka ke ka bona e ka ba eng gabjale ye e kgonago go dira e ka ba eng boka yeo. Ke no se e dumele." O rile, "Ke swanetše go e bona pele ke e dumela."

O rile, "Gabotse, go reng ka sehloga sa ka—sa ka?"

O rile, "Ke tla swanela go se bona se tloga pele ke tla e dumela."

²⁰⁶ Le a bona, go boneng ga se go dumela. "Tumelo ke kgonthé ya dilo tše o sa di bonego." Le a bona, o e dumela pele gomme morago e a direga. Kafao mo—mo monna o be a se modumedi, kafao kagona e bile sephiri sohle go yena. O be a sa tsebe se a bego a bolela ka sona gobane o—o be a sa kgone go e kwešiša, e be e le go thai go yena.

²⁰⁷ Batho ba re lehono, "Oo, ga ke dumele go phodišo Kgethwa yela. Ga ke dumele ka go Moya wo Mokgethwa wola. Ga ke dumele go go boleleng ka maleme gola. Ga ke dumele go go

goeleleng gola. Ga ke dumele go dilo tše tšohle boka tše. Ga ke dumele go yona.” Gobaneng? Ke sephiri! O no se kwešiše. Ke Modimo, še yona ka Beibeleng. Še e tliša dipuelo tša go swana tše. Beibele e boletšego ka ga go di tliša, gona e swanetše go ba Modimo. Le no se E kwešiše, yeo ke phetho. Modimo ga a kwešišwe.

²⁰⁸ Barutiwa ba Gagwe ga se ba kgone go kwešiša mehlolo ya Gagwe. Bošegong bjola ge A etla ka sekepeng, gomme o rile, “Ke mohuta mang wa motho yo ebilego diphefo le maphotho di a Mo obamelago?” Ga se ba kwešiša gore O be a se motho, O be a le Modimo.

²⁰⁹ Seo ke se e lego bothata lehono ka batho, ba nyaka go Mo dira mošemanne setlišamahlatse yo monnyane, goba se sengwe gape seo se rwelego mankgagane. Ba nyaka go Mo dira feela moisa yo monnyane go dikologa kampa.

²¹⁰ O be a se moisa yo monnyane go dikologa kampa, O be a le Jehofa, Modimo! Ga se ba e kwešiša. Ba Mo letile go no ba yo mongwe wa bona. O be a se yo mongwe wa bona, O be a le Modimo magareng ga bona! O be a feta motho. Bjalo ka ge ke fela ke bolela, O be a le motho ge A be a swerwe ke tlala, eupša O be a le Modimo ge A fepa dikete tše tlhano ka pisikiti, dipisikiti tše pedi le diripana tsoko tša dihlapi. O be a le motho ge A be a lapile ka morago ga sekepe, eupša O be a le Modimo ge A emiša diphefo le maphotho gomme a di dira gore di Mo obamele. “Ke mohuta mang wa motho yo?” O be a se mohuta wa monna, O be a le Modimo a bonagaditšwe ka go monna. Ga se ba Mo kwešiša. Ba Mo naganne go ba monna, morwa wa Maria, mmetli, eupša O be a le Modimo a bonagaditšwe nameng. Amene!

²¹¹ Mašole a Roma ga se ba Mo kwešiša, ge ba bile le Yena a dutše ka kgorongtsheko, gomme ba bea lešela go dikologa mahlo a Gagwe, le go Mo itia godimo ga hlogo le go re, “Bjale, ge O le moprofeta, bohole ba re O moprofeta, etla o re botše ke mang a Go bethilego ka godimo ga hlogo.”

²¹² Le a bona, ga se ba kwešiša gore Jesu o rile, “Ke dira feela se Tate a Mpontšhago go se dira. Ke dira se Tate a Mpontšhago, gomme morago Ke dira se A Mpotšago go se dira.” Ga se ba e kwešiša, ga se ba kwešiše bodiredi bja Gagwe.

²¹³ Bajuda ga se ba Mo kwešiša. Ka fao A tlilego go ba Mogwera le Mophološi wa bona, gomme ba nyakile go Mo dira se sengwe e bego e le se sebe. Ga se ba kwešiše bodiredi bja Gagwe. O rile, “Kgošigadi ya borwa e tla tsoga ka Kahlolong le moloko wo gomme a o ahlola, ka gore o tlie go tšwa dikarolong tša kgolekgole tša lefase go kwa bohlale bja Salomo. Gomme yo mogolwane go feta Salomo o mo.” Eupša ga se ba kwešiša gore O be a le yo mogolwane go feta Salomo. Ba naganne O be a no ba motho.

²¹⁴ Bontši bja bona ba naganne O belegwe ka ntle ga lenyalo le lekgethwa, o tlie godimo go tšwa lapeng le lebe leo le bilego le ditlhologelo tše le go ya pele, le ngwana wa hlabat. Yeo re sa tšogo ba le potšišo, ebile ga se ba kgone... Gobaneng, ba rile, “Gobaneng, re a tseba gore O belegwe ka ntle ga lenyalo le lekgethwa, O na le diabolo godimo ga Gago. Gobaneng, O leka go re ruta? Ke rena borabi!”

O rile, “Ke lena ba tataweno, diabolo.”

²¹⁵ Le a bona, ga se ba kwešiša. Ge mašole a Roma a ile morago nako ye nngwe, ba Mo theeditše, ba rile, “Ga se nke motho a bolela ka mokgwa wo. Ga se nke ra tsoge ra kwa monna a bolela ka mokgwa wo.”

²¹⁶ E be e se monna a bolela, e be e le Modimo! Ee, mohlomphegi. Motho ga se a bolela boka yona. Motho o a bolela le go bolela Mangwalo, Jesu o dira Mangwalo go *phela*. Motho ga a phele ka mokgwa wo: “Lengwalo le bolela se *mo*, sese sona!” Motho a ka re “Lengwalo le a e bolela,” eupša seo ke mabapi le tšohle a kgonago go di dira. Eupša Jesu o kgonne go re, “Nna le Tate wa Ka re batee, Tate wa Ka o dula ka go Nna. Yo a Mponego o bone Tate.” Ga go yo mongwe gape a ka kgonago go bolela seo! Amene. Haleluya! Yeo ke nnene. “Yo a Mponego o bone Tate.” Ga go yo mongwe gape a ka bolelagoo seo!

²¹⁷ Ga go makatše bona mašole ba rile, “Ga se gwa ke gwa tsoge gwa ba monna a boletšego ka mokgwa wo. Ga A bolele boka mongwadi goba moreri, O bolela ka maatlataolo! Gomme ebile le bodiabolo ba a Mo obamela, gomme diphefo le maphotho a Mo obamela.” Ba naganne O be a le motho, eupša O be a le Modimo.

²¹⁸ Le a bona, O be a sa kwešišwe. Ba rile, “Gobaneng, O be o—O belegwe o le hlabat. O belegwe ka ntle ga lenyalo le lekgethwa, gomme O leka go re ruta? Gobaneng, re a tseba O a gafa le go ba le diabolo. O Mosamaria, o bile godimo kua gomme o ne le bona bodiabolo go Wena. O leka go re ruta, rena borabi ba bakgethwa?”

O rile, “Ke lena ba tataweno, diabolo.”

²¹⁹ Ee, ga se ba Mo kwešiša, ga se ba tseba O be a le Mang. Seo ke se e lego taba lehono, batho ba leka go Mo dira se sengwe seo A sego sona. Yena ga a no ba motho, Yena ke Modimo ka go Monna! Ga go motho wa boraro, ke Yena Motho a nnoši. Ee, mohlomphegi. Gabotse, nnene, ga se ba Mo kwešiša.

²²⁰ Mofarisei, Mofarisei yola yo a Mo laleditšego tlase kua nakong yela ya matena, moletlwana wo mogolo, ga se a Mo kwešiša. O naganne o tla no ba le Yena tlase fale. Ke rerile ka molaetša wola ntle fa e se kgale botelele mo difihlolong, ke a dumela, kua Chicago, go difihlololo tšela. Mofarisei yola o rile, “Bjale, Mo lebeleleng a dutše morago kua, a dutše morago kua, maoto a go se hlapišwe le se sengwe le se sengwe. Mosadi yo monnyane yola o tlie ka gare gomme a Mo hlatswa ka megokgo,

gomme a phumula ka meriri ya hlogo ya gagwe.” O rile, “Ge nkabe A be a le moprofeta O be a tla tseba ke mohuta ofe wa mosadi yoo a lego fale a hlapišago maoto a Gagwe. Go laetša gore Yena ga se moprofeta!”

²²¹ Jesu o emeletše, gomme a re, “Simone, Ke na le se sengwe go go botša!” Amene, o ile a no se kwešiše, yeo e bile phetho. O rile, “Ke... O Ntaleditše go tla, gomme Ke tlogetše peakanyo ya Ka ya matasatasa go tla taletšong ya gago. Gomme ge... Ga se wa ke wa tsoge wa Nkgahlanetša mojako. Ga se wa ke wa hlatswa maoto a Ka. Ga se wa ke wa tlotša hlogo ya Ka. Ga se wa tsoge wa Nkatla go nkamogela. O nno Ntumelela go tla ka gare, ke kgamathetše le go tlala kudumela, gomme wa Mpea godimo mo sekhutlong go dira metlae ka Nna. Eupša mosadi yo, mosadi yo, o atlile maoto a Ka kgafetšakgafetša, gomme o a hlatswitše ka megokgo ya tshokologo,” (A meetse a mabotse!) “gomme a a phumula ka meriri ya hlogo ya gagwe. Ke na le se sengwe kgahlanong le wena, Simone. Ruri Ke re go Wena, dibe tša gagwe e lego tše dintši tšohle di lebaletšwe yena.” Simone ga se a kwešiša; o kwešišitše. Simone o rile, “O no ba motho”; o rile, “Yena ke Modimo, Mophološi wa ka!” O be a sa kwešišwe. O sa ntše a sa kwešišwe.

²²² Barutiwa kua Khalibari, ga se ba kwešiša, ge bohole ba Mo ganne le go tloga. Ba be ba ka kgona bjang go bona Monna, Monna yo ba bego ba mo tseba go dira mehlolo le go tsoa bahu, efela a ineela Yenamong go lehu, gomme a sepelela godimo go kgabola fale, a iteilwe, le go lla, mare a kitima go tloga sefahlegong sa Gagwe, gomme madi a hlakane le ona moo ba gogilego maledu a bona a go tlala seatla, ba le hlothotše go tloga sefahlegong sa Gagwe; gomme ba setlile mokokotlo wa Gagwe go fihla marapo a Gagwe a phadima ka ona, le go Mo raga, le go Mo itia gohle; ka gona ba go rogana, mašole a go tagwa, ba Mo itia thwi godimo mokgotheng. Gomme a ema gomme a ba dumelele go dira seo? Ga se ba kwešiša, kafao ba eme kgole. Yeo ke nnete.

²²³ Diabolo ga se a Mo kwešiša. Diabolo o rile, “Ka nnete yoo a ka se be Morwa wa Modimo yoo a tla emago fale le go swarwa gampe ka mokgwa wola, gomme bona ba rogana, gomme barutiwa ba ka tlase kua ba no Mo swara ka tsela e ka ba efe, gomme Yena a e tše. Yena ga se Morwa wa Modimo.”

²²⁴ Gape Bafarissei, baprista, ga se ba Mo kwešiša, ba rile, “Ge O le Morwa wa Modimo, iphološetše fase ka Bowena go tloga fao.”

²²⁵ Lehodu ka go la nngele la Gagwe ga se la Mo kwešiša, o rile, “Ge O le Morwa wa Modimo, re tloše sefapanong, iphološe Wenamong le rena gape.”

²²⁶ Eupša lehodu ka go le letona le Mo kwešišitše, o rile, “Rena re, rena re dirile bobo gomme re swanelwa ke se re se hwetšago,

eupša Monna yo ga se a dira selo.” “Morena, nkgopole ge O etla ka Mmušong wa Gago!”

²²⁷ Šetšang Segalontšu sela se etla morago, “Lehono o tla ba le Nna ka Paradeising.” O kwešišitše gore yoo e be e le Modimo a hwela dibe tša rena. Tsela e nnoši A be a ka kgonago go hwa, e be e tla ba go bolawa nameng. A ka se kgone go bolawa Moyeng, gobane ke Yena Moya wa Gosafelego. Gomme O ile a swanelia go ba nameng go bolawa, kafao ba nno se kwešiše. O e kwešišitše.

²²⁸ Letšatši le lengwe, e ka ba matšatši a lesome morago ga fao, goba e ka ba matšatši a masomenne morago ga fao, matšatši a masometlhano e bile wona, barutiwa ba nametše godimo ka kamoreng ya godingwana, gomme ba dutše godimo kua lebaka la matšatši a lesome le mašego go fihla letšatši la bomasometlhano le etla. Ka gona, ka pelapela, go tlie modumo go tšwa Legodimong boka phefo ye maatla e tšutlago. Ka gobane Jesu o be a ba boditše, “Bonang, Ke romela tshepišo ya Tate wa Ka godimo ga lena, eupša letang ka toropongkgolo ya Jerusalema go fihla le hlamišwa ka Maatla go tšwa Godimo.” Ba tsebile gore E be e eya go tla. Ba tsebile e be e le, e swanetše go direga. “Eya godimo kua gomme o lete go fihla Ke E romela.” Ba letile godimo kua. Ba ipoletše, ba tlošitše se sengwe le se sengwe go tšwa menaganong le dipelong tša bona. Ba be ba letile, bohole ka mmero o tee, lefelong le letee, ba letetše Tshepišo; ba sepelela morago le pele, banna le basadi, godimo kua ba sepela go dikologa mmogo ka kamoreng ye ya godingwana, mabati ohle a tswaletswe gore Bajuda ba se kgone go tsena gomme—gomme ba ba gobatša.

²²⁹ Gateetee, ba be ba le godimo fale ba sepela tikologong, gomme go tlie modumo go tšwa Legodimong boka phefo ye maatla e tšutlago, e dikologile go dikologa go kgabola kua, gomme malakabe a Mollo a thoma go dula godimo ga bona. Mabati a bulegile, mafastere a bulega, ba ile ntłe ka mekgotheng.

²³⁰ Gomme ba be ba sa kwešišwe, kudukudu go fihla ba rile, “A banna ba ga se ba tlala ka beine ye mpsha? Batho ba ba tagilwe gobane re ba kwa ba golagoletša se sengwe seo re sa tsebego se ba bolelago ka sona.” Gateetee, ba rile, “Re kwa bjang motho yo mongwe le yo mongwe ka polelo ya rena beng, a bohole bale ga se Bagalelia?” Ga se ba kwešiša gore e be e le tshepišo ya Tate.

²³¹ Ka gona Modimo o be a na le moprofeta kua yo a kgonnego go ema le go bolela: Petro o rile, “Lena banna ba Jerusalema le lena bao le dulago ka Judea, le se kwešišetše se thoko. Se ke seo se boletswego ke moprofeta Joele, ‘Go tla direga mo matšatšing a mafelelo, go boletshe Modimo, Ke tla tšollela ntłe Moya wa Ka godimo ga nama yohle. Gomme godimo ga bathuši le mohlankagadi wa Ka Ke tla tšollela Moya wa Ka, gomme ba tla profeta. Gomme Ke tla laetša dimaka ka magodimong godimo le fase lefaseng, le mollo, le lefokameetse, le dipilara tša muši. Go

tla tla go phethega, pele ga ge Letšatši le legolo leo le šiišago la Morena le tla tla, gore mang kapa mang yo a tla bitšago Leina la Morena o tla phološwa.”

²³² E be e le mošomo wa Modimo! E be e le Moya wo Mokgethwa, eupša ga se ba O kwešiša. O be a sa kwešišwe.

²³³ Ka mehla ga A kwešišwe. Israele ga se ya Mo kwešiša. Batho nakong ya Noage ga se ba Mo kwešiša. Batho nakong ya Daniele ga se ba Mo kwešiša. Batho nakong ya Johane ga se ba Mo kwešiša. Batho ka go—ka go nako ya moprofeta ga se ba Mo kwešiša. Batho ka go lebaka la Pentecostal ga se ba Mo kwešiša.

²³⁴ Batho ka go lebaka le ga ba Mo kwešiše, go sa swana. Ga ba O hwetše, ka gobane ga A kwešišwe. Ke, ba leka go bapetša tlhago le semoya.

²³⁵ Ge batho ka fale, thwi ka morago ga letšatši la Pentecost, ge bohle ba tladitšwe ka Moya wo Mokgethwa, ba bile le kopano ye kgolo ye godimo fale, ba biditše monna tlase fale, a golofetše go tloga popelong ya mmagwe, ba babedi ba bona ba be ba eya go bapa le mokgotha gomme mokgopedi yo o šikintše kotikoti le go kgopela tšelete tsoko. Gomme o rile, “Silibere le gauta ga ke natšo, eupša se ke nago le sona ke tla go fa sona.” O rile, “Ka Leina la Jesu Kriste wa Natsaretha, emelela gomme o sepele!” Gomme o tšere monna ka seatla gomme a mo phagamišetša godimo, gomme ka pela maoto a gagwe le marapo a kokoilane a amogetše maatla. A thoma go sepela, le go taboga, le go kitima, le go taboga, le go tumiša Modimo, o ile ka tempeleng. Gomme batho bohle ba thoma go tla mmogo, le go goelela le go ya pele. Gobaneng, e be e le selo sa go se tlwaelege.

²³⁶ Gomme ba ba bea ka kgolegong, le go ba tšhošetša gore ba “Ga ba swanela go rera gape Leineng la Jesu.”

²³⁷ Gomme Petro o rile, “Re swanetše go theetša mang, Modimo goba motho?”

²³⁸ Gomme ba ba lokolla, ba nagana gobane ba be ba ba hwipintše gannyane nthatana le go ba tšhošetša (gore ba tla ba lekeletša nako ye e latelago, goba go ba tšuma, goba go ba bea godimo ga sefapano, goba se sengwe), ba tla se emiša. Eupša selo sa go latela ba se hweditšego, ba be ba le ntle mokgotheng ba e dira gape. Gobaneng? Ga se ba kwešiša. E be e se bona batho; e be e le Modimo ka go batho bale, a dira dilo tšela.

²³⁹ Ge ba swere Stefano yo monnyane go Kgorotsheko ya Sanhedrin, mosong wola, o rile, “Re tla mo iša pele ga kgorotsheko ye. Ge borabi ba bohle le Bajuda le baprista bagolo le botate ba bakgethwa, le bohle ba bona ba kgobokane ntle kua, dingaka tše tša bokgethwa, go tla go mo tšhoša ka bohlaleng.” Kafao ba mo tlišitše ntle ka go diketane tše, le go mo emiša ntle kua, moisa yo monnyane boka kwana magareng ga sehlopha sa diphiri tša go galefa. Ba rile, “Mo šetšeng a tšeа fase bjale,

a re, ‘Ke tla e tseela yohle morago, baena, bohle le se ke la ntshwenyana.’”

²⁴⁰ O rile, “Lena ba melalamethata le bošoboro ka pelong le ditsebeng! Gobaneng le ganetša Moya wo Mokgethwa? Boka botataweno ba dirile, le dira bjalo!” Amene!

²⁴¹ Ba hweditše gore e be e se yena! Gobane ba topile makoloboto, gomme ba lahlela diatla tša bona ka ditsebeng tša bona, gomme ba thoma go tsikitlanya godimo ga gagwe, le go mo thuma go iša lehung. Gomme ge a phagamiseditše hlogo ya gagwe godimo go leba legodimong, bommankgagane ba mo itia go tloga lehlakoreng le tee la hlogo go ya go le lengwe le letee, o rile, “Ke bona magodimo a bulegile, gomme Jesu a eme ka seatleng se setona sa Modimo.” Amene! Gomme o robetše ka matsogong a Morena Jesu. Ge a ehwa, o rile, “Tate, se bee sebe se go molato wa bona.”

²⁴² Le a bona, ga se ba kwešiša se ba se dirilego. Paulo, a eme fale o e lebeletše, moragwana e tsene megalatšhikeng ya gagwe, gomme o rile, “Ke nna yo monyennyane magareng ga bona bohle, gobane ke hlatseditše lehu la Stefano, mokgethwa wa Gago.” Amene. Yeo ke yona.

²⁴³ Le a bona, batho ga se ba kwešiša mafolofolo a. Batho ga ba kwešiše lehono. Ga ba kwešiše maatla a Moya wo Mokgethwa. Ba o bitša sehlopha sa bapshikologibakgethwa. Ba o bitša sehlopha sa batho bao ba se nago monagano wa bona wa maleba. Ga ba kwešiše, gore o swanetše go lahlegelwa ke wa gago... se o se bitšago “monagano wa gago wa maleba,” gore o tsebe Kriste, gobane o ne monagano wa Kriste nako yeo. O ka se kgone go ba le monagano wa lefase le monagano wa Kriste ka nako ya go swana, o motee wa senama gomme o mongwe ke wa semoya. “Yo a sepelago ka morago ga nama ke wa senama, yo a sepelago ka morago ga Moya ke wa semoya.” Amene. Kafao ke tla itoba nnamong le go e hwetša, Morena, ka go Wena. Ee, mohlomphegi. Kafao Modimo ga a kwešišwe. Ga se lena bao le sa kwešišwego, ke Moya wo Mokgethwa o go dira gore o dire seo gore ba se kwešiše. Amene. Ga ba bolele kgahlanong le wena, ba bolela kgahlanong le Yena. Batho ga ba kwešiše.

²⁴⁴ Šebale ba a ya, ba tlogele ba sepele, eupša ba boela thwi morago mokgotheng le go thoma gape. Go swana le lehono. Ga ba kwešiše batho. Ga ba tsebe se E lego sona.

²⁴⁵ Lehono ga ke kwešišwe ka bodireding bja ka, gore O nthometše go batho. Ga ba e kwešiše. Yo mongwe le yo mongwe wa bona o rile, “Re dumela Ngwanešu Branham...” Ke boletše le moreri nakwana ya go feta, o rile, “Ngwanešu Branham, bohle re a tseba gore o rometšwe go Kereke, eupša, kgopolole ke, o tla bjang go kolobetša Leineng la Jesu?” Ga ba kwešiše Mangwalo. Ga ba Le kwešiše. Seo ke se A nthomilego bakeng sa sona, woo ke morero wa ka go beng fa. “Gobaneng o ruta peu ya sephente,

le dilo boka tšeо di lego kgahlanong le se re se rutago?" Gabotse, ngwanešu, ke ka lebaka leo ke lego fa. Ba no se e kwešiše. Amene. Eupša Modimo o mpeela bohlatse ka Lentšu la Gagwe le maswao a Moya wo Mokgethwa ka go . . . ? . . . Ga go kgathale bontši gakaakang ba . . . -ka tlase- . . . ga ba Le kwešiše, Modimo o tiišetša Lentšu! Amene.

²⁴⁶ Modimo ka mehla ga se a kwešišwe. Gomme bao ba phelago le Modimo ga ba kwešišwe le Modimo, gobane ke Modimo a šomago ka go bona. Amene. A le a Le dumela?

Ke a Mo rata, ke a Mo rata
Gobane O nthatile pele

A le a Mo rata? Phagamišang diatla tša lena gomme le bolele ditumišo.

. . . lefela phološo ya ka
Godimo ga mohlare wa Khalibari.

²⁴⁷ A le thakgetše ga le kwešišwe? Re be re tlwaetše go opela pina ye nnyane, re re, "Bjale, ke marakilwe, marakilwe, marakilwe, marakilwe ka Moya wo Mokgethwa." Yeo ke nnete. Batho bao ba kilego ba nthata, ba retolotše magetla a bona go nna bjale gobane ke marakilwe, ke marakilwe ka Moya. Amene. Ke lahlegetšwe ke monagano wa ka go dilo tša lefase, go amogela monagano wa Kriste; kagona, ge ke na le monagano wa Kriste, monagano wa ka o nyaka dilo tšeо di lego godimo. Ke tla rata yo mongwe go ntaetša kolobetšo e ka ba efe ya go fapania ya go nepagala ntle le Leina la Jesu Kriste. Ke tla rata yo mongwe go ntaetša Lengwalo le le rego sephente e be e se na le peu. Ke tla rata yo mongwe go ntaetša Lengwalo le le rego go ne Badimo ba bararo.

²⁴⁸ Ka gona ba re, "Gabotse, gobaneng e le?"

²⁴⁹ Modimo o rometše Molaetša wa Gagwe le go bea bohlatse bja Wona. O tiišetša Lentšu ka maswao a latela. Seo ke se Beibele e se boletšego. Ba ka se kgone go gana yeo, ke ntlha. Eupša ba dirile eng? Ga ba E kwešiše gobane ga se ke tle leineng la Assemblies of God, Oneness, goba Twoness, goba Threeness, goba Church of God, goba Baptist, Methodist, Presbyterian, Lutheran. Ga ke tle go le tee la ona maina, ke tla Leineng la Jesu Kriste. Gomme Modimo, ka kgaogelo ya Gagwe, o tiišetša Molaetša ka maatla a tsogo ya Jesu Kriste. Kafao E sa le Moya wa Modimo wo batho ba sa o kwešišego. Yeo ke nnete, go se kwešišwe.

²⁵⁰ Nnete, ga le kwešišwe, bohle ba ba phelago bomodimo ka go Kriste Jesu ga ba kwešišwe. Tsela yohle go tloga go moloki Noage, tsela yohle go theoga go fihla mokgethwa wa letšatši la sebjalebjale lehono, ga a kwešišwe. Ka mehla go bile, batho ga ba Le kwešiše.

²⁵¹ Israele ga se e le kwešiše. Ga ba kwešiše; ba no se kgone gobane ke bona senama ka moya, gomme e sego . . . Le ka se fapoge le semoya, gobane Le ka se hlakane.

²⁵² Eupša ke thakgetše gore re phela ka Mmušong wo o sa dirwago ka diatla tša motho. Ke thakgetše gore re ya Mmušong wo motho a sego a ba le selo go dira ka ona. Ke thakgetše gore Mmušo wa rena o godimo. Gomme ge Mmušo wa rena o le godimo, re tswetšwe go tšwa godimo, gona re nyaka dilo tše di lego godimo, moo Kriste a dutšego ka seatleng se setona sa Modimo, oo, moo A sa re jelego ke dihlong. Ke bopaki bja rena. . . Ga re lewe ke hlong ka Yena mo lefaseng le, gobane re baeti le basetsebje. Ga se rena ba lefase le, re tswetšwe ka Moya wa Modimo. Re dutše mmogo ka mafelong a Magodimong ka go Kriste Jesu, re hlatswitšwe ka Mading a Gagwe, re tswetšwe ke Moya wa Gagwe, re tladišwe ka mogau wa Gagwe.

²⁵³ Yeo ke yona, ga re kwešišwe. Eupša, re tshwenyega ka eng, re a Mo rata. A ga le Mo rate? Go lokile, Teddy, re fe noute ka *Ke A Mo Rata*, gomme a re e opeleng ka godimo ga segalontšu sa rena.

Ke a Mo rata, ke a Mo rata
Gobane O nthatile pele
Gomme a lefela phološo ya ka
Godimo ga mohlare wa Khalibari.

²⁵⁴ A ga A makatše? A ga le Mo rate? A ga la thakgala gore le ba go se tlwaelege? Boprista bja bogosi, batho ba ba kgethilwego, batho ba go se tlwaelege, o neela dihlabelo tša semoya, dikenya wa tša dipounama tša gago, go fa theto go Yena.

²⁵⁵ Ke tla le opelela pina bjale, ke ikwela go opela.

Ke hwetša batho ba bantši ba ba sa kgonego go
kwešiša
Gobaneng ke thabile kudu le go lokologa;
Ke tladišwe ka Moya, ga go pelaelo,
Gomme seo ke se e lego bothata ka nna.

Oo, seo ke se e lego bothata ka nna,
Oo, seo ke se e lego bothata ka nna;
Ke tladišwe ka Moya, ga go pelaelo,
Gomme seo ke se e lego bothata ka nna.

²⁵⁶ A le rata yeo? A re e opeleng bohole gona.

Re hwetša batho ba bantši ba ba sa kgonego go
kwešiša
Gobaneng re thabile le go lokologa;
Re tladišwe ka Moya, ga go pelaelo,
Gomme seo ke se e lego bothata ka nna.

Oo, seo ke se e lego bothata ka nna, (Tumišang
Modimo!)
Oo, seo ke se e lego bothata ka nna;
Ke tladišwe ka Moya, ga go pelaelo,
Gomme seo ke se e lego bothata ka nna.

Oo, ge ke thaba, ke a opela gomme ke a goelela,
 Ba bangwe ga ba e kwešiše, ke a bona;
 Eupša ke tsheletše mošola wa Jorodane go ya
 nageng ye botse ya Kanana,
 Gomme seo ke se e lego bothata ka nna.

Oo, seo ke se e lego bothata ka nna, (Tumišang
 Modimo!)

Oo, seo ke se e lego bothata ka nna;
 Ke tsheletše ka mošola wa Jorodane, go ya ka
 nageng ye botse ya Kanana,
 Gomme seo ke se e lego bothata ka nna.

²⁵⁷ Oo, ke rata yeo. A ga le? Ke kgabaganyeditše mošola wa Jorodane go ya nageng ye botse ya Kanana, ke laela šalabotse go lefase, ke phagamišeditše godimo ga dilo tša lefase, bjale ke phela ka go boemo bjo bja Magodimong. Nnete ke dira go segiša go tšona dibobodi tlase kua, ee, nnete, ke fofa ka godimo ga lona. Yeo ke nnete. Re tshwenyega ka eng? Re phela ka nageng ya Kanana. Amene! Ee, mohlomphegi. Re ja Diterebe tše mpsha, go no ba le nako ya go makatša; re tletše letago, re tletše maatla, re tletše ka Moya wo Mokgethwa. Ee, mohlomphegi.

²⁵⁸ O rile ka Stefano, “E be e le monna, wa go tlala.” A tletše eng? A tletše eng? O be a tletše ka Moya wo Mokgethwa, o be a tletše maatla, o be a tletše bohlale, o be a tletše thata. Yohle e dirile eng? O be a tletše ka Moya wo Mokgethwa! Fao ke mo dilo tšohle tše di dulago. Seo ke se kereke ya Modimo yo a phelago e lego sona. A ga wa e thabela, Mokriste? Dirang go thaba. Ge o sa kwešišwe, “Bohle ba ba phelago bomodimo ka go Kriste Jesu ba ka se kwešišwe.” Ka mehla ba bile, go theoga go kgabola Beibele.

²⁵⁹ Bjale, ke leka go reng? Go lena batho ba le boleLAGO ka maleme, go lena ba le goeletšago, le binago ka Moya, batho ba re, “Oo, ke ditšiebadimo,” e no elelwang ke ile morago thwi le go le bontšha. Thwi go theoga go kgabola Lengwalo, ka mehla ga ba kwešišwe. Elelwang, le ka Lengwalong, gomme le dira seo se lokilego. Dulang thwi le lona, Modimo o na le lena. E no tšwelang pele thwi ka Lengwalong, Modimo o tla hlokomela tšohle tša yona. Amene.

²⁶⁰ Ke a Mo rata. A re opeleng ya ka ye botse, pina ya kgale ya kolobetšo, ye tee re bego re e opela lekga la mathomo mo Morongwa wa Morena kua a kilego a tšwelela pele ga motho, ka bogoneng bja gagwe. Ke E bone pele, ka bonna, eupša lekga la mathomo A kilego a tla fase. Gomme ge A etla fase, O—O rile, “Bjalo ka ge Johane a romilwe go bula madibogo ga go tla ga pele ga Kriste, Molaetša wa gago o tla bula madibogo a go Tla la Bobedi ga Kriste.” Makgolo le makgolo le makgolo a batho ba eme mo mašing tlase fale ge E etla tlase ka June, 1933 nokeng. Gomme re be re eme mašing, re opela.

Godimo ga maši a ledimo a Jorodane ke a ema,
 Gomme ka lahlela leihlo la go duma,
 Go naga ye botse ya lethabo ya Kanana,
 Moo dithoto tša ka di letšego.

Ke tlementšwe naga ya tshepišo,
 Ke tlementšwe naga ya tshepišo;
 Oo, ke mang a tlago gomme a ya le nna?
 Ke tlamentšwe naga ya tshepišo.

Oo, ke tlamentšwe naga ya tshepišo,
 Ke tlementšwe naga ya tshepišo;
 Oo, ke mang a tlago gomme a ya le nna?
 Ke tlamentšwe naga ya tshepišo.

Ke tla fihla neng lefelong le la go phelega,
 Le go šegofala go ya go ile!

Ke tla bona sefahlego sa Tate neng,
 Le go khutša difarong tša Gagwe?

Oo, ke tlamentšwe naga ya tshepišo,
 Oo, ke tlamentšwe naga ya tshepišo;
 Oo, ke mang a tlago gomme a ya le nna?
 Ke tlamentšwe naga ya tshepišo.

Gohle godimo ga melala ye go ngangologa ya
 phaphathi
 Go phadima letšatši le tee la kagosafelego;
 Fao Modimo Morwa o buša go ya go ile,
 Gomme o šwalalanya bošego.

Ke tlamentšwe naga ya tshepišo,
 Ke tlamentšwe naga ya tshepišo;
 Oo, ke mang a tlago gomme a ya le nna?
 Ke tlamentšwe tshepišo . . .

²⁶¹ A re nong go opela yeo gape, gomme re šišinye diatla le yo mongwe tikologong ya gago.

Ke tlamentšwe naga ya tshepišo,
 Ke tlamentšwe naga ya tshepišo;
 Oo, ke mang a tlago gomme a ya le nna?
 Ke tlamentšwe naga ya tshepišo.

²⁶² Bjale, ntle le moriti wa pelaelo, yo mongwe le yo mongwe wa lena yoo a amogetšego Kriste, le go tseba gore le tswetšwe gape ka Moya, a re phagamišeng diatla tša rena bjale gomme re opeleng.

Ke tlamentšwe naga ya tshepišo,
 Gabotse, ke tlamentšwe naga ya tshepišo;
 Oo, ke mang a tlago gomme a ya le nna?
 Ke tlamentšwe naga ya tshepišo.

²⁶³ Ga se ka bona se nako ye telele. Bahumagadi, fihlelelang ka sekhwameng sa lena gomme le hwetše sakatuku. Bakgomana, obeletša potla ya lethekeng la gago gomme o ntšhetše sakatuku

sa gago ntle. Bjale re ya go ba le mpho ya go šišinya go Morena. Go lokile, bohole ba rena mmogo, re ya go šišimala boka re eya ka Kanana bjale, šišinya sakatuku sa gago. Go lokile, bjale.

Ke tlametšwe naga ya tshepišo,
Ke tlametšwe naga ya tshepišo;
Oo, ke mang a tlagomme a ya le nna?
Ke tlametšwe naga ya tshepišo.

²⁶⁴ Bjale, ge go na le yo mongwe fa yoo a sa dirago kgetho ya bona le go bitša kgonthe, yo a tla ratago go tla ge re sa e opela gape, o rata go gogela sakatuku sa gago ntle le go šišinyetša le rena gape. Kgoro e bulegile bjale, dithekethe ke mahala. A o ka se tle? Gata go namela sekepe sa kgale sa Tsione, o a ya, o sepelela ntle. A re yeng.

Ke tlametšwe naga ya tshepišo, (E ka se be botelele.)
Oo, ke tlametšwe naga ya tshepišo;
Oo, ke mang a tlagomme a ya le nna?
Ke tlametšwe naga ya tshepišo.

²⁶⁵ Ge re inamiša dihlogo tša rena:

Go swana le Jesu, go no swana le Jesu,
Lefaseng ke hlologela go swana le Yena;
Gohle go kgabola leeto la bophelo go tšwa
lefaseng go ya Letagong
Ke kgopela feela go swana le Yena.

Go tšwa legopong la Bethlehem go tlide pele
Mosetsebje,
Lefaseng ke hlologela go swana le Yena;
Gohle go kgabola leeto la bophelo go tšwa
lefaseng go ya Letagong
Ke kgopela feela go swana le Yena.

²⁶⁶ Le se lebale Lamorena. Le se lebale kopano ya thapelo ya Laboraro bošego. Elelwang, rapelang bontši, nthapedišeng, rapedišang modiša wa lena, rapedišang moagišani wa lena, matikone a lena, bahlokamelaphahlo ba lena, rapelang gore Modimo o tla ba le tsela ya Gagwe le rena bohole.

Go swana le Jesu, go swana le Jesu,
Lefaseng ke hlologela (Yeo ke tlhologelo ya
pelo ya ka.) go swana le Yena; (Go se
kwešišwe.)

Elelwang, Modimo . . . ? . . . A yeo ga se tlhologelo ya gago?
Nagana ka yona.

. . . go tloga lefaseng go ya Letagong
Ke kgopela feela go swana le Yena.

[Ngwanešu Branham o hama *Go Swana Le Yena—Mor.*]

. . . go kokobela le bofase,
Lefaseng ke hlologela go no swana le Yena;
Gohle go kgabola leeto la bophelo go tšwa
lefaseng go ya Letagong
Ke kgopela feela go swana le Yena.

²⁶⁷ Ka dihlogo tša lena di inamišitšwe bjale, le mahlo a lena a tswaletšwe, le dipelo tša rena di tsepeletše go Modimo. Re tla bitša wa ka yo bohlokwa, mogwera yo mobotse, Ngwanešu Roy Borders, go tšwa California, ge a ka se ke a swanela . . . go bolela mogau godimo ga kopano ye. Ngwanešu Borders. 

MODIMO A SA KWEŠIŠWE NST61-0723E

(God Being Misunderstood)

SERISI KA BOITSHWARO, TSHEPEDIŠO LE THUTO YA KEREKE

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Julae 23, 1961, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org